

瑤

華

集

瑤華集卷十七

沁園春

八十九首

丹鳳吟

一首

八歸

二首

宣清

一首

沁園春

贈柳敬亭

龔鼎華

驃騎將軍異姓諸侯功名壯哉。乍南樓傳箭大航風霍。
中流搖櫓溢浦蒿萊。片語回鑣千金逃責。遮客長刀玩
弄來。堪憐處有恩門一涕青史難埋。偶然座上嘲詼。

博黃絹新詞七步才。似籌兵北府碧油晨啓把棊東閣。

展齒宵陪。

前半爲左寧南此記
范文貞何文端公事

春水正生吾當速去老

子遨遊頗見哀相攜手儘山川六代簫鼓千杯

題其年易絲詞

彼美何其繡口檀心婉變清揚惟鬢髯如戟偏成斌婚
文章似海轉益蒼茫玳羽爲梁珊瑚作架十五城償價
未昂朱絃發聽短歌日短長恨情長無端雪涕歡場
儘潦倒荒迷事不妨勝流黃思婦鴛機組織從軍蕩子
馬稍騰翔有託而逝是鄉可老粉黛英雄總斷腸君試
問有癡人衮衮誰是於羊

又

暫且毋歸縱飲新豐歌呼拍張記東都門第賜書猶在

西州姓氏複壁仍藏萬事滄桑五陵花月闌入誰家俠
少場相憐處是君袍未錦我髣先霜秋城鼓角悲涼
暫握手他鄉勝故鄉况竹林賓客雲霞接軫平原伯仲
宛洛褰裳煖玉燕姬酒錢夜數綰髣風能障綠楊持此
闌當清平絲管爛醉沉香

又

公勿渡河濁浪滔滔魚龍奮揚乍城頭吹角秋陰蕭瑟
橋邊問渡煙柳冥茫珠樹三枝銀釭一穗醉裏鄉心低
復昂晝夜話較青山紫閣何計爲長偶然游戲逢場
有惡客衝泥興也妨美人如初日芙蓉掩映門開今雨

裙屐廻翔此客殊佳吾衰已甚安用車輪更轉腸相勸
取且酒寬稽阮花駐求羊

又

文士何如不數紛紛材官蹶張縱通侯檠戟烏衣零落
凌雲詞賦狗監摧藏清吹西園錦箏北里驚坐人來一
擗場還抖擻儘新沙似雪古月如霜哀絲譜動伊涼
快挾彈鳴鞭趙李鄉更雙鬟捧出春風羌笛九天飛下
霧縠霓裳法護僧彌紫囊玉塵大小兒呼孔與楊高味
罷似明殘翠羽掃後猶香

午朝遇雨

吳偉業

十里紅牆樹色陰濃銅屏洞開見觚稜日炫金銀照耀
朱霞天半避暑樓臺忽起奇雲琉璃萬頃燕雀爭恩風
動來西山上有龍迎返照急雨驚雷涼生殿閣佳哉
但瀟灑瑤堦絕點埃聽御河流水琤琮雜佩黃滋細柳
翠迫高槐玉管銀毫永桃雪藕枚馬詩成應制才承恩
久待歸鞭晚霽步月天街

觀潮

八月犇濤千尺崔巍砉然欲驚似靈妃顧笑神魚進舞
馮夷擊鼓白馬來迎伍相鳴夷錢王羽箭怒氣強於十
萬兵崢嶸甚訝雪山中斷銀漢西傾孤舟鐵笛風清

待萬里乘槎問客星。嘆鯨鯢未翦。戈船滿岸。蟾蜍正吐。
歌管傾城。狎浪兒童。橫江士女。笑指漁翁。一葉輕誰知。
道是觀潮枚叟。論水莊生。

吳興愛山堂禪飲

妍景銷愁輕衫乘興扁舟往還。偶使君倒屣銀床枕簟。
群賢傾蓋玉佩刀環。下若新醅。前溪妙舞。落日樓臺雨。
後山。離闌外。有名花婀娜。嬌鳥綿蠻。衰翁天放疎頑。
況廿載重來。詎等閑。嘆此方巖虎。青絲白馬。當年宋態。
綠鬢紅顏。春色依然。舊游何處。剩得東風柳一灣。吾堪。
老。傍鷗汀雁渚。石戶松關。

贈柳敬亭

客也何爲八十之年。夫涯放游。正高談拄頰。淳于曼倩
新知抵掌劇。孟曹丘。楚漢縱橫陳。隋游戲舌。在荒唐一
笑收。誰真假笑。儒生誑世定本春秋。眼中幾許王侯。
記珠履三千宴。畫樓嘆伏波。歌舞淒涼東市。征南士馬
慟哭西州。只有敬亭依然此。柳雨打風吹絮滿頭。關心
處。且追陪少壯。莫話閒愁。

登令公祠畔望湖亭

梁清標

潋灩湖光黛染遙。山送目方賒。喜紅亭俯立一天帆影。
白波東去。幾縷殘霞。方寸鄉心。迢迢水驛。愁絕風濤博。

望槎徘徊處有喧闐列肆煙火千家。神祠擊鼓鳴笳。
想吳楚當年闢麗華。任青帘貰酒醉眠。賈舶牙檣吹角。
驚起棲鴉橫槩。雄才登樓客况消盡江頭野草花。雲煙
濶正臺連蛟蜃人侶魚蝦。

題董舜民蒼梧詞

王熙

咄咄董生是謫仙人。而今再來恍狂客愁多。不堪言恨。
夜郎遷去誰復憐才。淚點春雲老吟秋月。風雨蒼梧絕
可哀。悲歌久到燕南薊。北無限傷懷。蕭條獨土金臺。
歎駿骨龍媒安在哉。只一編繁露。爭相延致。千篇藎白。
且共遲徊。震澤空濛龍峰突兀。試展新詞洞壑開。稱詞

史任青鞵布韞赤日黃埃。

送孫無言歸黃山

宋 琬

鎮日思歸臨水登山云胡不歸。美君誠高士。堪五湖。長
予其逋客。愧北山移。結徧賢豪。厭聞歌管。十載揚州夢
已非。家何在。有珠簾雲海。雪竇煙扉。年年車馬。逶迤
空折盡。隋堤柳。幾枝笑故園。三徑桂蘭。頻老。層巒萬疊
猿雀長啼。或問先生笑。而不答。待滿詞人贈別詩。真歸
矣。任山靈見。謫百罰奚辭。

西山杏林中用曾侯韻

施閏章

修禊纔過小雨輕陰。猿鶴幽期。正草芽初茁。橫鋪翡翠。

水泉新湧碧漾琉璃紅杏催人忍教春去故惹飛英青
鬢絲支筇久看雪飄霞散蝶賊蜂癡花茵坐臥都宜
歎好景傷心半在斯任日烘雲煖枝頭猶溼衣香客醉
屐齒嫌遲回語東風不禁長嘯那似桃源鼓棹時吾衰
矣笑幾多殘片無數相思

題蒼梧詞

張英

別業蒼梧北郭青溪扁舟往來羨秋風尊鱸步兵逸興
春山書畫學士仙才笠澤浮家銅峰蒼屐不許詞人賦
七哀堪酬和有水清玉映吟賞高懷花間詠傷雅堂
總釵鏡翠香何有哉更綠鬟拂素錦帆揮灑紅兒顧曲

舞袖低徊。鸚鵡歌調水晶簾捲。綺閣風生笑語開。流傳
徧寫綵鸞千本。清絕纖埃。

里居寫懷

曹爾堪

疇昔盛年四五詞家。謔月嘲風。自烽煙湏洞。故人凋謝。
白楊蕭颯。離黍冥濛。天壤之間。猶存吾輩。坐看川流折
瀉東。全無緒。只矮簷。曝背寒日方中。雪吟花醉。能從
披蝨簡。吾師河上公。更彭城三老聲華。是鳳柳州八及
少長爲龍。縱感存亡。還娛健在。行見兒孫小字同。陶暮
景向蒲汀繫纜。鮮磴支筇。

又

客老薊門簞策城頭。頓起悲風。但曉餐入直沙飛浩浩。
暮還休沐。霾暗濛濛。虎觀寒飈。鳳城華鬢。空說扶桑日。
正東隨清蹕。獻饒歌。朱鷺天樂回中。鼎湖攀輦難從。
偕痛哭。褒公與鄂公。竟一朝放廢。塞翁失馬。百年瞬息。
山穴尋龍。春鍾須埋形骸。可畧阮籍。劉伶酒社。同真險。
絕幾飄零異域。萬里扶筇。

題其年烏絲詞

王士祿

屈指詞人。咄咄唯髯。跋扈飛揚。似波寒竟去。衣冠颯颯。
燭昏欲醉。腹寫茫茫。紅豆筵中。白楊齋外。哀豔無端互。
激昂。憑人道是秋墳。唱苦子夜歌長。廿年落拓名場。

便歷落欹欹也未妨。看禰生單絞搥聲慷慨。陳王芋蔗舞態迴翔兒女情。深風雲氣在同此牢愁一寸腸。君無讓信黠如顧虎狂比袁羊。

禽虫詞贈穆倩

詞出畸人體。做禽言。筆做虫書。念熾熾內熱真癡絕耳。鳥鳥歌苦何必然歟。蟲號可憐禽名共命。呼婦相將。汝與予稱觴處。倩禽聲助曲。蟲臂吹竽。沙蟲猿鶴元殊。縱蝸舍鳩居樂有餘。算通侯虫達終歸寂寂。隱人禽慶羸得遠遶莊。晒二虫嵇喎凡鳥赴焰緣。罔可愍諸先生。笑道九頭安用百足還愚。

讀李鏡月廬游日記

遙望匡廬幾載幽思忽忽南昌想峰排五老半天空翠
泉飛三疊百尺銀瀧林時東西贊傳十八勝跡心知不
可忘問何日向彭蠡渡口一葦輕航臥游把卷神鷗
似肩拍匡君煙路翔見天迴地迴邀雲入戶山深嵐重
遲月升堂錦澗橋邊玉淵潭側恍惚心清聞妙香才解
信道輞川愈疾語不荒唐

偶興

王士禛

春去秋來林無靜柯川無停流憶卓女壚邊花籠趙瑟
要離冢畔霜淬吳鉤劍客從游酒徒託乘意氣居然橫

九州誰知道有王家廝養騎尉通侯。十年壯志難酬。
但眼底清尊恣拍浮。調萬戶千鍾卿其休矣。千峰萬壑
吾又焉求。龍性難馴。鴻飛何慕。爭席休驚海上鷗。忘機
久。任行歌帶索。五月披裘。

飲某將軍第

馮雲驤

百尺高臺千斛清醕。彈箏吹箎。正將軍設宴金尊。夜月
美人歌舞。玉樹春花。慷慨書生徘徊彈鋏。痛飲蕭條。醉
九霞沉酣也。歎壯心潦倒。荏苒年華。回頭古樹昏鴉。
況邊寒飛蓬與斷沙。恨英雄消盡。黃雲漫漭。仙翁去遠。
白石谿。訝莫訝余狂。酒間起舞。曾記禰生試鼓。搥人竄。

小待騎龍跨海島無涯。

記夢

李天馥

惟仲之秋明月三更夢到方諸過翡翠巖中池皆瑤玖
芙蓉城內樓見珊瑚羽轡閒停廳車偶駐笑望羲和跳
赤鳥居無幾見乘鸞駕鹿曳霧衣銖香風吹下仙娥
訝客自何來到並珠援絳雪青精索人玉臼丹經綠篆
示我陰符樂響雲璈香飄石葉一晌催娛海木枯迨醒
後再沉吟想像似有還無

酒後作歌與擎庵

彭孫通

對影銜杯影且前來吾方思之算乘時只合免園傳冊

成名何用狐穴搜詩。世上舉肥。宮中磨竭。大藥難將造。
物醫安予拙。且聽竿。南郭植杖東籬。小園清映。漣漪。
有密竹疎花。事事宜。更多情。綠綺琴心。解渴撩人翠嫵。
黛色忘饑飽。看文君風吹髣髴。此樂誠然不可支。誰相
問道。茂陵閑散。謝客多時。

和金嶠庵

往古來今。如許英雄。鐘鼎旂常。盡飄風冷。雨餘聲銷歇。
寒煙蔓草陳蹟蒼茫。南顧昆明。東瞻閩越。二十年來一
戰場。到今日喜豐年多黍。兵氣銷光。溪山老我何傷。
且買醉時。撥肘後囊。須我歌若舞。烏烏擊缶。倡予和汝。

欵欵飛觴僕射不如尙書不顧羯鼓頻催不記行纔傾
倒早一輪紅日湧上扶桑。

別園次

黃與堅

盍歸來乎雪帳水床伴我漁簑儘人生快意書殘繭紙
連宵樂事餽供香螺促坐燈前盤呼六采不用人間禮
數多休慷慨是永嘉庭樹生意婆娑但教乞取雙鷺
記金勒當年騁玉河想悠悠末路誰爲季主茫茫往事
好問詹何縛袴遨遊故人憔悴欲按新歌又罷歌驚心
處漸江梅吐白臘盡春過。

贈柳敬亭

汪懋麟

狡黠淳于抵掌而前似此奇哉任嘲諷放弄河山塵芥
軒渠絕倒富貴蒿萊攀檻狂呼攝衣上坐舌本青蓮何
處來從他語學伯倫作達荷鍾須埋當筵漫道俳諧
看此老前身是辨才記靈巖山畔天花曾落遠公社裏
錫杖常陪慷慨逢場悲涼說法較勝雍門樂與哀餘生
事但楞嚴繫肘麴米盈杯

贈友

胡會恩

擊筑悲歌疇昔逢君長安酒壚又西遊萬里秋風迴雁
輕裘匹馬夜月飛狐羌管胡琴十年幕府銷得平生壯
志無封侯事怕感生髀肉落拓江湖醉來耳熱狂呼

儘兄事袁絲弟灌夫。正中原鞞鼓尙屯。鐵騎城頭烽火。
誰握銅符。盾鼻空磨角襜褕。未試忍負腰間玉。鹿盧荒原
外。且短衣射虎。看爾彎弧。

西湖新柳

西子湖頭搖曳風情。雨意飄蕭似蘇小。愁多青娘夢斷。
無言有恨。暗約春消。昨日輕黃而今嫩綠。數徧東風幾
萬條。空依水見湖頭。比翼暮暮朝朝。曉來幽恨迢迢。
也不倩張郎。斜自描看寶馬空嘶。香車乍過。風流代謝。
瞥眼難招。捲葉成聲。攀枝贈別。枉煞風前鬪舞。腰牽情
處。正玉人有約在第三橋。

題美人面芙蓉

曹貞吉

嫋嫋亭亭何處折。來芙蓉一枝。是青溪女士寫生妙手。
花光粉膩。游戲爲之。縱使無情也。應有恨。月白風輕。欲
隨時堪憐處。傍沙汀蘆岸。掩冉風姿。多愁多病蛾眉。
便画出傷心寄阿誰。憶紅樓倦綉。輕拈小筆。烏絲罷味。
淡抹脣脂。更費雌黃。枝頭點染。添箇翩翩蝴蝶兒。吹能
起笑。拂蠅成誤。老眼迷離。

病齒戲作

檢點形骸牙齒空。存凋零可哀。似潮噴危巖。鎗錐欲墮。
虫雕敗葉。次第成灰。活玉巢邊。大郎游戲。狗寶從君出。

入來昌黎曰。倘歲常落一兩紀。奚猜。只愁三五爲儔。
拚一夜霜風散早梅。彼伏生床上傳經詰曲。張君柱下
覓乳徘徊。語怕成訛。食還喜軟。遠莫廉頗善飯哉。柔能
久。但吾生舌在。誓此啣盃。

友人李生作生癘成詞以贈之

表聖之徒富貴。浮雲能齊苑生。憶早年任俠。千夫辟易。
中年策杖。五岳縱橫。紫塞黃榆短衣孤劍。鬱鬱胸蟠百
萬兵。今老矣。向荒山寄跡。汝社藏形。牛眠好卜佳城。
便撒手懸厓。自在行。彼蜚麟。鼉鼠誰當不朽。煙霞沒滅。
我本無營。大海潮青嵐峰月白。樂此安知後世名。君無

語持黃金鑿落飲若長鯨。

又

日月跳丸虎頭健兒雞皮老翁笑求仙問藥都無憑據
靈椿朝菌一樣成空羊角扶搖枋榆棲止總在茫茫噫
氣中何處問有南柯太守馬鬣高封達人游戲神通
便冢像祁連蟻垤同甚珠襦玉匣牛羊廢壠金鳧銀雁
禾黍秋風天地遽廬軋坤窀穸千載王孫道未窮今古
恨是白楊衰草掩盡英雄。

悠然閣種木芍藥

吳綺

半閣初成正見南山名曰悠然有疎窗六尺低纔壓帽

藏書兩架小恰如船。芳樹檐頭晴嵐屋上放了晨衙。卽
醉眠。春深矣。且聘紅買綠。俸裏支錢。洛陽佳種爭妍。
想太白清平調可憐。把護花鈴索。隨時安頓。移春亭慢
着意遮全。貫酒醕香。教歌試豔。拚與花王結勝緣。吾還
笑笑。當年杜牧也爲花顛。

戴務旃攜具過寺寓

孫枝蔚

身久不歸。飾近重陽。徘徊獨行。正墻頭雨過。豈花將落。
殿前風起。松鼠齊驚。乞食題詩。遣愁沾酒。滿鏡誰憐。白
髮生。差堪慰有奇文在篋。閒評蒙君念我飄零。
信海內公然有弟兄。更米分仁祖。饑腸頓飽。蜚螯畢卓。

左手同腥。海已爲田。橋還化枳。往事回頭。涕淚橫。吾衰矣。願無雙國士。努力躬耕。

愁不去

愁答先生幸不傷人。莫漫相疑。况寄予天上。天傾久矣。埋予地下。地陷多時。肯學虞卿。著書自見。願立微勲。報所知。從今往往天涯。羈旅敢不追隨。憶君相見何時。是獨上高樓。笛正吹。看杜康一輩。虛名無益。張衡四味。發想偏奇。滿載扁舟。君王不稅。方識人間此貨奇。君休慢。待人言皆爾。我始知斯。

西冷橋

錢繼章

已遠喧闌漸覺幽涼無過西冷。正微霜欲下滿船風葉
枯荷未盡幾點殘螢鑽入蒼煙山黏遠樹拋卷方當午
夢醒悠然起看游魚暖藻野雀梳翎安排綠酒青燈
擬淘洗閒愁向水汀恰薑絲調醋新登蟹俎蕨芽研粉
畱伴蓴羹頗恠山童近添閒供露菊秋葵插滿瓶陶然
醉任人呼馬走我已鴻冥

題韜光絕頂

松挾濤風與雲俱聳山秀而危漸莓苔積滑斜添曲磴
蔓蘿陰合埋沒荒碑鳥語猿巢人過虎穴松竹空濛綠
四圍登巋閣見一杯湖水似月初斜潮聲日夜喧豗

看江海微茫界兩垂。指歸雲沙際白餘一線危崖獨樹。
秋在孤吹。悶殺登臨閒消酒奕老矣英雄無所爲。空目
斷只荒臺衰草送盡斜暉。

古香館夢歸白下寄伎

余懷

客寓婁東秋水平。橋芙蓉晚開攜巨螯紫蟹拍浮杯酒。
雙蛾紅袖登眺樓臺。天下傷心唯余與爾分手消魂各
自猜真如夢似錢塘江上潮去潮來。中年懷抱難開
空自恨高唐寂寞迴歎香消南國美人愁病烏啼東府
客子徘徊。醉裏斜陽齊梁故壘衰草茫茫後騎催。披衣
起但躊躇四顧斫地悲哀。

題于忠肅公祠

錢繼振

百尺澄泉一杯雲芽敬弔先生想翠華北幸鐘簾殆崑
雕戈南下七鬯先驚誰措軋坤安如孟覆手挽銀河洗
甲兵堪悲處是弓藏免走壤汝長城荒山翠葆霓旌
向劍倚崆峒氣未平看一甌麥飯村巫拜禱半龕燈影
古壁光燐隔葉黃鸝綠梁飛鼠點綴淒涼落戶庭公神
在對四山松栝忍化冬青

裁白苧作春衫

陳世祥

較量寒消排當花了恰值清閒已攜將小妹繡翻異本
教他雛婢香揀深斑重幙須寒脫綿正可莫任春光漸

漸闌紅氈列。早龍珠麟首。金粟同安。哀牢細織闌干。
慢剪破秋江。浪幾潑。任退紅水。碧都嫌色。膩輕容。方目
且放紗單。一抹雙心兩當。八撮。曾人詩人。體貼間。幾縫
就。正佳人麗服。風日躋攀。

題月團詞

吳農祥

角勝旗亭火。鳳冰蠶猶懷夢思。況新愁似海。看餘黃絹
舊歡如月。不盡烏絲。醉落金釵。夢尋玉笛。關引春心上
翠斜。難提論是芙蓉。開候荳蔻含時。調成律琯。參差
算架筆。珊瑚更數誰記。疎鐘鳴孔。迎霜九滴。秋釭融淚。
唧壁雙垂。帶孔慵寬。帽簷微側。從與東風。綰別離。何年

許儘簾櫳接地唱徹紅兒。

感興

杜 濬

已往空思向後休。愁用未餘年。數歷來遭際。無非逆境。
平生眷屬。誰是良緣。悲亦空歌。痛還當飲。拋却鳩筇。又
放顛。安排定向水邊林下。作箇神仙。芳時恣意流連。
但莫觸傷心。重黯然。若秋之半也。隄防白雁。春云暮矣。
迴避啼鵲。子愛南華。史耽西漢。二物焉能便舍。旃。無多
事。只文繁須汰。詩雜須刪。

由丹陽至京口舟中放歌

陳維崧

月黑慶亭風吼。練湖雪山皚皚。正楚天似夢。檣多於聲。

吳波乍染岸碧如苔。對此蒼茫居然迹。落記否江東出
霸才。斜陽恨惹行人。憑弔商女悲哀。丹徒客昨帆開
問劉寄奴。今安在哉。奈六朝剩壘沙淘浪洗。千尋斷鎖
雨蝕煙埋。下瀨艤艫橫江。士女重見連雲列戍排。吾衰
矣。且沽京口酒。上妙高臺。

月夜渡江

粉月一規。雪浪千條。何其皓然。正稀微。吳語佛狸城下
參差楚火。胡豆洲邊。忽聽江樓誰吹橫笛。今夜魚龍詎
穩眠。推篷望見秣陵。似夢瓜步成煙。揚州更鼓遙傳
記小杜曾游。是昔年。奈邇來情事。鬢絲禪榻當初况味。

綠竿紅絃。萬古精靈。六朝關塞都在。巖磯牛渚前。吾長
嘯把一杯在手。好箇江天。

題徐渭文種山梅花圖

十萬瓊枝。嬌若銀虬。翩如玉鯨。正困不勝煙香。浮南內。
嬌偏怯雨。影落西清。夾岸亭臺。接天歌板。十四樓中樂
太平。誰爭賞。有珠袍貴戚。玉佩公卿。如今潮打孤城。
只商女船頭月。自明歎。一夜啼烏。落花有恨。五陵石馬
流水無聲。尋去。疑無看。來似夢。半幅生綃。淚寫成。攜此
卷伴水天閒話。江海餘生。

邯鄲縣叢臺懷古

匹馬短衣竟上叢臺慨當以慷看誰家戰壘寒鴉落照
何年古戍亂草平岡十月疎砧一城冷雁不許愁人不
望鄉徘徊久只登高弔古無限蒼茫當年趙武靈王
正樹裏河流挂濁漳更佳人跼蹐粧臺對起王孫炫服
舞袖相當而我來遊幾番歷徧不見邯鄲挾瑟侶何須
問便才人厮養總付斜陽

秋夜聽梁溪陳四丈彈琵琶

瑟瑟陰陰嗟哉此聲胡爲乎來似靈鼉夜吼狂崩斷岸
角鷹秋起怒決荒臺忽漫沉吟陡焉掩抑細抵游絲綴
落梅冰絃內惹一宵涕淚萬種悲哀十年前記追陪

乍握手霜橙暗自猜。歎朱門酒肉誰容卿。傲青樓子弟
總如君才。半落關河。聊蕭身世。迸入空亭小。忽雷顛狂
甚。罵人間食客大半駑駘。

晒書

憶昔吾家有萬卷樓。城西毫村。自江陵道盡。牙籤半失。
咸陽焰熄。玉軸猶存。借去一甌。以來三篋。墨化妖螭。赴
海門。無多剩似亂餘。故舊賣後田園。叢編暇日還門。
與藥裹零星曝滿軒。任半生穿穴。碎同蠹蝕。有時發作
陡若龍掀。貧極須捻老來怕讀閒。對秋陽自較翻吾休
矣。取束書高閣且晒吾禪。

泊舟惠山看六朝松并艮嶽石

昔歲我來乘白羊車著紫鼠裘愛支離者嬰霜皮黛甲
玲瓏者丈牕蕩龍湫王謝家兒宜和遺老爾正愁時我
亦愁曾經過看累朝興廢百代王侯別來歲月如流
歎赴壑修蛇掣不休又風吹雨溜幾場兒戲藤纏薜蝕
一樣蜉蝣石豈能言樹猶如此何恠書生竟白頭重來
到吹一聲鐵笛叫破孤秋

咏硯爲李若士賦

若士時將入楚

誰向螭潭剡紫雲肝鑄白玉脂便曹王臺上喚他銅雀
徐陵序裏輸却琉璃瘦比龍精嬌踰鵲眼蒸出韓文與

杜詩。窪而黑。是媧皇煉騰羸。改鞭遺。醉磨盾鼻。能爲
還笑。倩防身。風味隨。但每看劍動神先跳。盪時聞笛起
興更淋漓。此去衡陽。祝融峰上。要寫懸崖百丈碑。顛狂
甚。叱青猿代捧蘸。畧親題。

戲味閨人踢毬子者

嬌困騰騰。浚院清清。自無一爲。向花冠尾。呼剪他翠羽。
養娘篋底。檢出朱提。裏用綃輕製。同毬轉。簸盡牆陰一
線兒。盈盈態。訝妙踰蹴鞠。巧甚彈棋。鞋幫只一些些。
况滑膩。纖鬆不自持。爲頻誇。假捷立依金井。慣矜波俏。
礙怕花枝。忽憶春郊。回頭昨日。扶上闌干。剔髭綠。垂楊

外有兒郎此伎真惹人思。

送友人入山採茶

十里溪山竹粉纓。蘭風藻川有蒙茸。蘿葛蔽虧曦月
坦迤澗谿向背林泉。夕渡過歸晨漁緩出谷。唱潭吟韻
邈綿居此者是秦時毛女。漢代琴仙。人家四月開園
送君去。剛逢穀雨天。恰晴村綠。崦數間僧竈。清江翠簪
一帶商船。摘處盈盈焙餘冉冉。歸臥迴廊。瘦石邊松濤
沸。正龍團乍碾。蟹眼初煎。

芹野草堂感舊

爲集生作

過西定橋有芹野園。崢泓坦迤。記花闌藥嶼。島何澹澹。

煙汀雨瀨水太羅羅樂去爽鳩陰深銅狄牧笛吹風夜
起波憑高望悵舊家光景逸若山河小樓一棹經過
奈三度亭臺易主何縱王孫無恙東風認否主人重到
燕子知麼笑說當年楊蒲一擲絕似名姬換馬馱君休
恨較臨春結綺博進誰多

送徐實均南還

高詠

白髮逢春對酒高歌送別他鄉望津門柳色數竿新漲
紅亭帆影一片斜陽此去吳天玉山佳處朱戟烏衣畫
錦堂何須管那王孫草綠杜宇聲悵臨岐莫惜分張
奈庾信年來歸夢荒任春風帝里曲江杏苑秋深南國

桂子天香。汝好爲之。吾今老矣。嘯傲煙霞。總不妨消魂處。向斷鴻飄梗。回首行藏。

荆卿

毛先舒

游於酒人。深沉好書。我愛荆卿。但冷冷高唱。翻成楚泣。烏烏倚和。不雜秦聲。燕市鶯花。酒壚風雨。只許三人結伴。行塵埃裏。把英雄老了。何用知名。陡然一諾相傾。便匕首單提。殺氣生看。渾河秋色。北來風緊。咸陽衰草。西望雲橫。劍客爲虹。秦皇是日。真主從來不受驚。龍門筆儘千秋萬古。憑弔多情。

自快

自快吾生生長錢唐西子湖頭愛淨慈南岸藕花爛熳
林逋西嶺梅樹清幽螺翠浮來虹腰忽斷零落風情晚
未收層樓外聽一聲鐵笛鶴過滄洲古今駛若雲流
况葉落梧桐萬象秋要知心幾箇不衫不履扁舟一葉
隨鷺隨鷗我醉欲眠卿今且去明日攜琴續勝遊君不
信照錢祠岳墓孤月含愁

寄贈王揚州

沈謙

不斷長江滾雪翻雲日夜東流惟萬里煙花終沉伍劍
三分明月光照隋鉤郡縣勞人文章絕世斗大如何困
一州偏豪邁在詞中拜將醉裏封侯瓊花寄我難酬

奈水滿蕪城夜色浮道執卷跨牛其中有樂腰錢騎鶴
此外何求素札空傳玉簫誰教泛泛還同沙際鷗虛名
悞但濃斟玉液煖被貂裘

又

美爾高情濯足淮河振衣蜀岡便眺覽煙雲何妨薄宦
沉酣典籍不愧清狂駿馬穿花佳人雪藕摘徧朱荷水
一方新歌奏阜聲傳北里色豔東皇墨痕錦袖淋浪
但悵望星橋有報章任歲月驅馳宮中磨蝎風塵黠黠
路上亡羊一日不齊百年渾醉攜手頻移翰墨場休回
首縱蘭陵酒美何處吾鄉

題烏絲詞

史惟圓

將古人詩比似君詩惟髯絕倫更倚聲寫句鏤冰雕玉
風檣陣馬牛鬼蛇神年事蹉跎交游零落短褐羸僮逐
路塵愁凝處縱才如雲錦不療饑貧烏絲誰和陽春
憶鄒董風流逝水濱恐吟盡斜陽鶯花多怨味殘夜月
蟾兔還嗔我本痴頑君應潦倒白雪紅兒寄此身憑君
問唱江南曲子更有何人

爲雪持題像

髯爾何人坐老松根雪寒奈何憶臨窗按譜吟殘絳蠟
當筵顧曲醉盡紅螺富貴何時人生行樂大婦調絃小

婦歌披圖處見形神散朗意氣嵯峨。此身合併煙蘿。
任舞絮飛花拂面過。有聲犯龜茲風。箏霧笛隊名回鶻。
蠻髻胡靴。作戲逢場行吟得意占盡風流未足多。須添
取共釣徒詞客相對婆娑。

黃鶴樓

萬里澄波漢耶江耶登臨快哉有晴雲舒卷層層樓迥
雄風披拂面面窗開作賦禰生題詩崔顥占得人間幾
許才都休問怕蒼茫弔古觸緒生哀。仙踪一去難迴
任幾度人民換劫灰看東連吳會寒潮斷岸西鄰巫峽
暮雨荒臺倚檻多時凭闌竟日玉笛何人又落梅斜陽

外望凌空孤鶴爲我重來。

江夏懷古

漢水江深此際凭高中心慨慷問何年帝子鵲啼西蜀
幾人名士龍臥南陽火照空城音生故殿當日渾疑古
戰場來遊處見千門繡瓦萬井銀牆人間幾度滄桑
想兒女英雄總斷腸嘆周郎折戟多情顧曲曹公橫槊
遺恨分香夏口旌旗武昌樓櫓遙望山川盡鬱蒼無窮
事付殘楓衰柳一片茫茫

孤松

曹亮武

兀峴離奇生峭嶺間鬱乎蒼蒼看千盤繡纈形如馬鬣

百尋鱗甲勢若龍翔。昨夜狂飈濤聲萬斛。恍在滄洲極
混茫。還須記是秦封不受。挺立無雙。那知桃李爭芳。
共冷石寒潭。送夕陽。歎幾番物色。幸辭刀鋸。多年領受。
却飽冰霜。歲月頗閒。雲山足樂。莫誤他時。作棟梁。根蟠
處有茯苓。似斗琥珀脂香。

重修放霍亭

陸進

試望孤山雲際巋。然亭子落成看玲瓏。闌檻青紅微渌
透。迤石磴蒼翠初生。舊月還來。新梅補種。仍映湖光瘦。
影橫逋翁去。歎千年不返。放霍空名。猶聽樵斧丁丁。
閱老樹荒臺幾廢興。漫回思遺草不畱。封禪重捫。斷蘇

細讀碑銘濁酒澆時面
船泊處長引游人懷古情
黃昏後任風傳清嘖來往精靈

春暮感懷

曹鑑平

久客歸來拂地東風莫負春光正
天桃着雨燕營舊壘
垂楊浥露鶯弄新簧
酒伴攜尊山童躡屐繡陌朱樓捲
幔香閒馮眺漸苦痕糝綠菜甲拖黃
年過騎省悲涼
把憂患餘生且暫忘
任落拓乾坤不夷不惠行吟澤畔
呼狷呼狂芳草隨鞦野花刺眼消受韶華是故鄉
追思處恨驚風未息驢背星霜

感懷

茅麟

却悔從前汲汲棲棲南北東西想千山秀冶仙溪一曲
孤村疎曠茅屋三弓少不如人饑來驅我辜負庭前菊
與松家何存在在伯通廡下杜宇聲中追思花影千重
忽夢入巫山十二峰奈纔離分水不聞香盞再來合浦
已失春容笑隱芙蓉書緘豈惹羸得如今賦惱公歸來
後任溪雲靉靄山雨空濛

李孔德出情人所畱指甲索詞 朱彝尊

并剪分時逗向君前春心暗驚記銀缸照處曾挑錦字
碧雲歌斷尙傍霜橙覆瓦彎環層冰碾薄只是中心最
不平相思苦任拋殘寶瑟閑殺瑤箏詩人慣惜傾城

唱三疊陽開千里程。把香囊繫住潛通扣扣紅絲解罷。
低喚卿卿猛省秦樓纖纖指下。何得愁中却盡生孤眠。
夜想麻姑搔背一段風情。

擬豔

鄒

鏡檻初開宜對粉。題休籠紫綸記折花共劇。蘭雲纔覆。
冷粧伊始翠鈿曾安。慣疊纖羅微嫌。銀髮手裏紅絲著。
意刪犀梳斂。護貂茸一剪。閣住輕寒。日斜倚小門闌。
但端正窺人莫便還。見障羞月扇低時半露。吹愁梅瓣。
點處成斑。素奈看勻小蟬。比竝料是詩人想像。閒蜂黃。
淺愛夕陽無限。映取遙山。

李曰詩妾髮初覆額折花門前劇王建詩素奈花開西子

商孔氏疏云小蟬也溫庭
筠詩額黃無限夕陽山

又鼻

滴粉堆成黃點輕黏運斤可能見窺簾乍露斜侵短燭
挑鬟欲遍易近圓冰愛嗅青梅慵填香棗扶下秋千喘
未勝閒中坐試微噓素指暗驗鈎繩荷風水檻長凭
盼消息郎歸噠定曾伴謝公游去聯吟或擁徐妃粧後
半面須纏泪法低分汗融先拭紅袖遮來嬌轉增凝神
久思新停月昧旋抱飛蠅道書玉女鼻端有黃點同冰
小鏡名香囊用石崇事淮南
子于午郊西爲二繩丑寅辰巳未申戌亥爲
三鈎俗傳右可以驗時婦人有蠅蠅抱其鼻

又耳

玉琢芳根。麝月初弦。螺峰遠侵。勝吳綃。画了微添朱暈。
秦篝繫却。密釘神針。粉拂頻沾。香雲帶掠。釵鳳珠垂。冷
不禁。盤龍鏡映玉臺。素手影後斜臨。小堂誰弄清琴。
通一線靈犀。直到心。慣春閒。易倦。偷粘角枕。夢輕難續。
翻恨鶯吟。細馬駛來。埃風生處。掩就綸巾。未易尋羅幃
底。把無聲私語。通向更深。張萱画婦人以朱筆耳根

又 苗

文貝編成。密瑣華池。懸漿易涸。愛蘭湯乍噉。含朱愈瑩。
瓠犀難擬。排玉還銛。刺繡花勺。縫花結扣。持戩餘絲。不
用添芳。津嚙對青梅一點軟。却慵拈。早鴉啼遍。前檐

悄叩罷潛將心事占。見輕塵動處。歌時定。啓愁斜展後。
鬬慣休嫌。忍病先寒。因嬌成噤。竚想頻銜素指。纖相思
字。漫沉吟。鵲筆褪了毫尖。釋名曰。口下曰承漿。針灸經
曰。承漿一名懸漿也。醫家口

又 膳

齒方有喜。黃俊排玉。司馬相如作賦。把筆鵲之似魚。

葉塢梔房一點中。池生來。易驚笑。金釵卜就。偏能斷決。
犀杵鎮後。纔得和平。樓響難登。房空怯。最三斗除非借。
酒傾芳名。早喚狗兒吹笛。伴取歌聲。沉憂何事。牽情
悄。不覺人前太息輕。怕殘燈枕外。簾旌蝙蝠。拂幽期夜半。
窗戶雞鳴。愁髓頻寒。回腸易碎。長是心頭苦。暗并天邊。

月縱團圓如鏡難照分明

黃庭經注膽爲中池素問膽主斷決李賀詩犀株防膽怯

三下借用管輅事元稹詩狗兒吹笛膽娘歌內經膽病者善太息

又賜

嫋嫋輕軀能有幾多客萬斛愁慣悲銜腹內相看脉脉
事來心上一樣悠悠鳥道千盤轉轆轤雙綆又類車輪轉
未休縈方寸穿錦梭暗擲弱縷中抽柔情曲似江流
伯易割秋山懶上樓況三朝三暮已猿峽口一聲一斷
杜宇枝頭百結將離九迴猶剩盃沃能勝酒力不樽前
曲再休歌河滿泪落難收白居易詩能有幾多腸錦夜用梭腸有意錦絲穿語魚玄
機詩離腸百結解無由李商隱詩回腸九迴後猶有剩
回腸又白詩三盃自要沃中腸唐孟才人歌河滿子畢

武宗命緊候之狀
尚溫而腸已絕矣

又 月

純質停勻比似陸郎何曾暫離被詞人賦就望中疑削
画工減盡染處恒垂離弱纔過牆低乍及結伴還從影
後窺緣紅索上秋千小立恰竝花枝蛸蟀領下詞梨
剪雲葉玲瓏一半虧記量成尺六難增分寸飲過三爵
易致斜欹愛拍樽前願扶倦裏細步惟應處處隨吟飛
雪怕玉樓生粟拂袖遮伊海鹽陸東美妻有容止夫婦相重寸步不離時號比肩人
洛神賦付若削成圖法美人無肩漢雜事
有廣尺六寸蘇軾詩凍合玉樓寒起粟

又 背

意遠態濃珠壓腰褱水肌最勻。盼新月堂前殷勤削伏
秋千架上推遙逡巡見客遙來和羞却走翩若驚鴻望
未真踏青去惹春游年少目送香塵催歸潛理九巾
怕汗浹輕容拭更頻憶閒中指爪癢須爬慣宵分姊妹
擁便情親每到嗔時拋郎半枕難將猩紅一點脣堪憎
甚縱千呼萬喚未肯迴身

杜詩背後何所有
珠壓腰褱穩稱身

又臂

勝曼陀羅八萬四千非耶是耶效蹋搖娘曲聯時宛轉
胡騰兒舞旋了交加拍按霓裳張同鳳翅攘處拖環急
鼓過呼同坐把香肩微竦側倚琵琶曲欄凭晚涼些

添羅袖纔令一半遮。更泥他沽酒卽金跳脫。教伊展面
替玉鴉叉。待枕先舒將盟暗誓。立印綢繆小字斜。臨當
別。搗花房。蜥蜴重繫紅紗。李神和枝伎詩。圖鼓拖環錦
臂。盟見左傳。唐宮人
送幸以綢繆字印臂。

又掌

小小瓊田煖玉無塵紋。生細波。慣先調粉澤。兩邊齊傳
未昏菱鏡。一面頻磨。鞦托真纖指。離偏遠水上。漸裙著
意搓。闌干拍惹。鴛鴦驚起。飛度風荷。樽前一握無多。
縱燕燕身輕。舞則那。任青紅碧綠。接成綵縷。裁縫熨帖。
研就香羅。冷露三霄明珠幾顆。除是仙人不讓他。春來

病把芳心捧罷百遍摩挲。楊无咎詞掌托鞦兒漢雜事指去掌四寸李商隱詩仙人

掌上三霄露

又乳

隱約蘭胸菽發初勻脂凝暗香似羅羅翠葉新垂桐子
盈盈紫萼乍擘蓮房。寶小含泉花翻露蒂兩兩巫峰最
斷腸添惆悵有纖鞋一抹卽是紅墻。偷將碧玉形相
惟爪字初分蓄意藏把朱欄倚處橫分半截瓊簫吹徹
界住中央量取刀圭調成藥裏寧斷嬌兒不斷郎風流
句讓屯田柳七賦贈酥娘。漢雜事胸乳菽發

又膝

纖骨亭亭窮榜輕籠長裾半懸訝流黃慣織頭掀綜底
小車容却每觸簾邊手抱無聊心慵易軟拜起須扶態
更妍留仙嫩見勝常道罷小立依然試令踏節歌筵
翹一足長同沙鷺拳把春衣卸盡有時蔽錦寒衾架處
恨未添綿醉裏便姍姍時嬾密隨意天斜坐簸錢教郎
坐放阿侯學步俯視齊肩

曹植靜思賦行嬾密而妍詳
古樂府十七生兒字阿侯

又

李珍

初月雙灣映帶秋波遠山可伴愛黛螺不染生來自綠
絲毫難画曲處如鈞潮覺佯羞豎綠薄怒潛語通情得
自由些微事奈心腸窄狹早露峯頭看伊鎖處多愁

似柳葉經春雨未休。把兩痕淺碧嬌殘綽約十圖新譜。
暈減溫柔。聽得蕭郎今朝歸也。喜色匆匆箇裏浮。盤龍
內見日來蛾際別樣風流。

又心

萬轉千思只方寸中。容多少愁。將恁他有意芳盟自勒。
恨誰不語酸淚偷流。綵戀多情主。郎省眼刻畫玲瓏在
裏頭。有人問道。冰壺皎映含蓄溫柔。絳宮十二重樓。
似三點疎星月一鉤。看香爐縹緲燒來成字。綵絲約結
綰就成毬。越女西家病時常。捧顰效東施態愈羞。銷魂
絕想風前銀燭灰處方休。

待庵李廉和竹垞太史沁園春擬豔詞凡八闕今補錄其

陸義山攜雨妾粵歸賦贈

顧貞觀

團扇風流桃葉桃根殷勤渡江問珠娘嬌小可禁憐惜
璧人依舊肯恣清狂椰酒同傾尊羹待熟不負華年錦
瑟旁攜家近念吹簫伴侶縹緲相望誰云四海空囊
有入洛詩篇使粵裝是未經霜雪炎洲翡翠却歸煙雨
鏡水鴛鴦他日朝天画舸應問閣帖重題陸女郎金環
在把一編新語分付青箱

夫椒懷古

董元愷

七十二峰有夫椒山在水中央記十萬水犀雲連茶火

六千君子霧擁餘艖。動地魚龍匝天鷺。鶴只此湖山閱
霸王。君試看。但波濤滾滾。煙樹蒼蒼。百年幾歷滄桑。
歎馬跡曾誰見。始皇。況高牙大纛。驚飛鷗鷺。亂煙疎雨。
灑徧帆檣。故國興亡。大江南北。總向秋風一葦杭。都休
也。任洛吳洛。越却又斜陽。

咏馬

吳 樵

紫燕翻雲白鵲嘶。春天馬再來。甚奔霄蹕電頻周。日舍
晨鳧銅爵盡出。龍媒宛種。朝馳房精。夜降腹裏。駿騰僊
上材。誰能顧。便千金價重。歛起風雷。三空牝牡休猜。
爭得似風流買駿臺。更玉郎耽癖。薔薇作供。劉家尙武。

苜蓿新栽駿入僧憐嬌將妾換對舞登牀進酒杯長鳴
久看流珠歎玉千里初回。

春盡日再至南礪看杜鵑

吳本嵩

與客重遊繫馬停車花事依然自昨來苦憶三更孤枕
今朝廷佇半日春天圖畫樓臺管絃山水併作花枝十
倍妍空亭裏似含羞被酒嬌暈當筵傷心不待秦川
歎帝子魂歸又一年倩石家錦帳遮伊行處鄂君繡被
擁汝尊前擊碎珊瑚拋殘紅豆只有春光劇可憐青山
晚恐落紅如血又化啼鵲。

春日山居

王 紹

徙倚柴門如許春光幽思無聊。漸淺藻浮青煙生溪口。
長松分翠晴蔽山椒。斷續人家參差林樾。官道遙通大
石橋。香風起。又吹殘穠李落盡天桃。竹籬夾住牆腰。
更北舍東鄰屋覆茅。喜叱叱村童畦邊驅犢。易易漁父
浦外鳴橈。時見斜陽平連蒼葦。荷鋪隨身下採樵。都休
問問王孫芳草愁絕魂消。

又

山繞吾廬且啓煙扉悠然遠思。看牆角花英落成紅雨。
簷前柳葉曾住青絲。漫捲蝦鬚頻來燕子認得空梁舊
壘。飛傷心處撫筆牀茶竈事事都非。春風不管芳菲。

任陌上香塵著地吹，更怨鎖鴛魂。聲移定院，夢迷蝶影，愁上翠眉。
絃冷焦桐，香沉睡鴨，檢點生涯。幾自疑朝來後，又門窺松鼠，野叫山雞。

寄越生村居

儲福宗

所謂伊人，我欲從之。山阿水濱，任園荒柳徑，年書晉字。
津迷桃浦，跡避秦灰。且課樵青，更呼飯犢。一曲狂歌歸去，來他年志約村南煙舍，穩任芒屨。
掉頭慢世休猜，豈出岫無心鳥倦回。笑短轅襟袖，誰知己者。高軒冠蓋，毋溷公爲萬事滄桑數椽。卜築亂竹飛花，掃却開須乘興，向輞川溪處覓個王裴。

憶舊

沈爾燦

檢點年華芳信遙，催碧湖、画溪記大堤。調馬醉敲金鐙，
小堂行酒，暖褪羅衣。玉笛翻雲，絳紗籠月，繞砌梅花露
未晞。銷魂處，恰新聲偷換，刻燭頻低。倦遊客路東西，
奈滿鏡春愁，鬢漸非。想半牀絃索，任從蛛網，一池煙柳，
長伴鳥啼。准擬移書惜花鶯燕，畱待行人二月歸。歸來
晚，正江南好景，綠暗紅稀。

賦香囊

沈岸登

剪就并刀，縫取神針，薄言纈之。愛篆消金鴨，未薰先透。
佩珠極欲卸，同持窄窄微綃，憤藏心字，只有湘裙六

幄知愁盈把向檀郎暗解滿貯相思 定情宜有新詩
通叩叩桑中路側時任攜將燭下頻頻私覷繫他時後
步步長隨莫是偷來休教賂却畱待紅羅複帳垂須珍
重賽千絲結綢綢住西施

中秋

陳 聞

隱隱星河遙隔數峰斗轉星沉算事常八九不如人意
月當三五雅會吾心雲母屏開琉璃徑滑佳子飄香天
外尊閒坐久正露凝碧砌月淡疎林 酒酣因自長吟
誰共對姮娥此夜潑料青天碧海淒涼自古瓊樓玉宇
憔悴如今羅袖驚寒清樽送夜陡覺秋風兩鬢侵繁懷

處但千家羌管一葉疎砧。

筆禿戲詒

蔣景祁

汝中書君旣老而童其奚能爲笑憑將指授髮何種種
閒供揮灑貌類期期奮蠹無能書蟲亦費蠶尾銀鈎體
盡非嘻憊矣曾珊瑚架爾玳瑁裝伊我懷智求禪師
合理汝劉伶塚畔歸只虞卿懶著情傷潦倒相如欲賦
影惟支離倚劍飛仙簪花侍女爲爾頽唐也若斯中山
齋問毛公去後健者爲誰。

筆對

憶事先生牙籤石屏集几烏皮屨凌雲擬製魚牋頻壁。

將離寫恨錦瑟無題。憐若花枝舞同掌上。別有風情不
自持。從傾倒也。幾經拂拭。費盡才思。倦遊君亦知斯
歎。憔悴相依。短鬢絲。但新花欲發。還縈江夢。遠山教画
難嫵。張斜少負英豪。老嫌個彊。自分時宜未盡。宜真衰
矣。向管城歸去。長謝趨陪。

送費琰次歸皖江

君且歸乎。負此青門。有酒如澠。歎未行萬里。伏傷樞驥
真成六翮脫。似韓鷹。句畫旗亭歌。傳檀板。還向樅陽理
釣簪。青溪口。看江鱖潑刺。雪浪千層。送君詩寫吳綾
更獨上高樓。試一凭。有斜陽影裏。齊梁剩壘。神輦祠畔。

浦溼殘燈便可輕舸何妨蠟屐偏我秋風病茂陵長房
去憶故園三徑縮地無能。

咏煙

閨秀
張 縉

竹影搖窗瓶花落案書景依然奈春困難支宿醒未解
鳳團初熟獸炭猶燃漫檢湘囊笑拈銀管金屑色慘素
指傳湘簾外裊雲煙一縷繚繞花前闌干徙倚俄延
漸粉腕嬌凭小婢肩任寶鴨香消嬾添蘭麝雲鬟斜墮
慵整珠鈿半晌曹騰片時掩冉一枕邯鄲別有天還堪
戀怕柔腸乍冷願與流連。

丹鳳吟

題其年先生填詞圖

蔣景祁

試問年來長是刻燭高歌敲壺成節
掀髯脫帽題偏酒
家牆壁相逢漫道曲中情事除付琵琶念奴翻得忽復
含毫未下幾度沉吟暗裏誰解消息
此際鳳樓宣召
金蓮燦爛特地撒侍輦陪遊處有玉環微笑領取歌闌
文璣錯落綴上蕊珠宮闕休憶江南楊柳岸唱曉風殘
月洞簫人和是霓裳舊拍

詞中旁
則仕女

八歸

送山農

李良年

茶蘼雪綻楝花風近春只賸一勾耳
荒程折盡東西柳

見說九峰歸客又催行李驛草裙腰沙外冷繞幾曲帶
愁煙水還記否聽雨牀連約我坐船尾試看吹綿野
店落紅亭堠多少匆匆游子。匹鞮漸嬾青簑白舫商畧
五湖閒事念前期暗負別後朱顏易憔悴輸此去採茶
僧逕燒筍山家人在綠陰裏。

題其年填詞圖小像

曹貞吉

散聖安禪烏衣白恰淡蕩風流如許酒旗戲鼓人間世
博得蕭然臚背鬚眉塵土。凌轢詞場三十載寫六代興
亡無數翻墨瀋歷落欹欹看海奔鯨怒誰拂生綃作
怡維摩清冷坐對散花天女三疊霓裳一聲河滿曲項

琵琶金縷問英雄紅粉可到相逢斷腸處想歌闌淚卮
微勸銀甲春寒水沉香慢炷。

宣清

送米紫來之官建昌

紫來以司
李改補

朱彝尊

別酒初醒曉月猶懸天街簌簌面鼓滿汀洲柳暈白蘋
灑船窗孫楚零雨昌邑城邊官亭湖上南州樂上且攜
將法曹詩風流香令同賦記九疊芙蓉五峰瀑布當年
曾望處想廳事花陰疎簾乍卷向画中看小米雲山
無數載鳴琴臨流喚渡任優閒寄情毫素長安布衣判
閤滯經春盼仙鳧一雙飛度

瑤華集卷十八

賀新郎 一百零五首

賀新郎

戲馬臺

吳易

九曲洪河瀉似重瞳風流豪蕩美人駿馬驚澗注溪三十萬蓋世暗鳴叱咤目斷處高丘浩野成敗難平廣武歎儘人間豎子王和霸君莫笑拔山者 邪余龍種真無價笑紛紛使君七箸寄奴田舍玉帳茱萸歌吹滿舊楚樓船臺榭對寂寞山川圖回關虎英雄爭鹿地付烏騅亦免漁樵話藉草坐潑盈把。

送杜將軍弢武

吳偉業

雙鬢愁來白，數威名。西州豪傑，玉關沙磧，家世通侯黃。
金印馬，消當年第一磨盾鼻，懸毫飛檄。雅吹投壺詩萬
首，舊當陽虎帳，春秋癖思。往事頓成昔。天涯寂寞，青
門客念平生，鞭篥萬里布衣之極。滿地江湖漁歌起，誰
弄扁舟鐵笛。正秋色依依南陌，日暮鄉關何處，是故人
書草沒。磨崖石漫回首，淚沾臆。

病中有感

萬事吹華髮，論龔生。天年竟天高，名難沒。吾病難將醫，
藥治耿耿胸中熱。血待灑向西風殘月，剖却心肝今置。

地問華佗解我腸。千結追往恨，倍淒咽。故人慷慨多
奇節，爲當年沉吟不斷。草間偷活，艾炙背頭，爪噴鼻。今
日須難決絕。早患苦重來，千疊脫屣。妻孥非易事，竟一
錢不值。何須說人世事，幾完缺。

彭梅庵憶語久置案頭，不省誰何持去。辟疆再
爲寄示，開卷泫然。

龔鼎孳

雁字橫秋卷。乍凭欄、玉梅影到，同心遙遣。東素亭亭人
宛在，紅雨一巾重沍。理不出、亂愁成繭。騎省十年蓬鬢
改，歎香薰遺挂痕，今淺腸斷譜對花展。帳中約畧芳
魂顯。記當時輕綃晚，弱睡鬟雲扁。碧海青天何限事，難

倩附書黃犬藉棋日酒年寬免搔首涼宵風露下美煙
霄破鏡猶堪典雙鳳帶再生剪

送陸金粟省親歸梁溪

下直練囊卷正悟陰日斜人散篆煙風遣江上白雲游
子夢幾載青衫長汊千百結銀蛾纏繭歸到洞庭霜乍
落看橘盈懷袖寒香淺溫清暇綠衣展豈須名就觀
方顯趁高秋鱗松虬曲珠泉簾福手進晨葩難永潔絕
勝杞根花犬料衰病歡然扶免自昔英才公府掾笏起
家臺閣諳朝典裙屐習早除剪

代人贈別

人與秋雲卷乍亭亭紅橋玉箔攆絲颺遣羅扇練裙何
限淚今夕背燈偷泣剝不盡五經蠶繭此別竟無魂可
斷笑消魂兩字言情淺芳草外翠屏畏天涯回望雙
星顯憶聞歌珍珠成串餅金鎔扇展悞幾番花霧重吠
煞胡麻仙犬今而後吾真知免若許都亭攜手去儘臨
卽酒債將裘典香唾袖裏輕剪

和贈其年

玉笛西風發送賓鴻一城砧杵半門宮闕秋滿桑乾沙
岸曲曲曲蘆花飛雪又報到今番圓月羈宦薄游俱失
意罷長楸車馬多如髮徒刺促錐刀末小山叢桂難

攀折轉堪憐紛紛項領汝曹何物只許窮交長對酒況
是江東人傑任夜夜蘭釭明滅作達狂歌吾事足問人
生幾斗荆高血行樂耳苦無益

又

一曲驪歌發正秋宵露寒金井星疎瑤闕江上青楓如
有約夜半落潮如雪留不住故人明月自是五湖煙水
好笑東華塵土埋黃髮路寂怕羊腸末唾壺如意應
敲折古今來英雄兒女都爲情物孤憤信陵游戲事畢
竟千人之傑看轉眼煙雲變滅萬事不如歸計穩聽杜
鵑枝上三更血詎賣菜更求益

又

津柳霜颺發乍分手驪駒一曲鳳凰雙闕黃菊丹楓猶
在眼休悵紅亭吹雪換幾度天涯圓月酒醒夢回多少
事感蕭蕭易水衝冠髮試脫穎見其末寶刀欲贈心
先折算今古豐城龍劍終爲神物一任椎埋與屠狗浪
翻爛羊魁傑那更記灰飛煙滅此去夷門還鄭重有滿
懷未老侯生血更却掃待三益

贈柳叟敬亭

鶴髮開元叟也來看荆高市上賣漿屠狗萬里風霜吹
短褐游戲侯門趨走向與我周旋良久綠鬢舊顏今改

盡歎婆娑人似桓公柳。空擊碎唾壺口。江東折戟沉沙後。過青溪。笛牀煙月。泪珠盈斗。老矣耐煩如許事。且坐旗亭呼酒。拚殘臘。消磨紅友。花壓城南韋杜。曲問毬場馬稍。還能否。斜日外。一回回首。

答橫秋見壽時將行役雲中

曹溶

玉宇秋如水。爲黃花滿襟離恨。雁筇頻倚。落日馬蹄窮塞主。白髮一肩行李。銅柱北。曾經脫屣。又挂風旗沙柳外。對摩崖片石。揮毫起。呼屈宋且休矣。故人相見平安喜。寫新詞龍蛇飛動。牢騷心事。刁斗河山今不閉。敢說封侯萬里。笑老去疎狂未已。范蠡湖邊蓴菜熟。肯羊

裴敝盡車生耳痛飲酒真男子。

幼弟新婚

方亨咸

家慶團圓好正和鳴鳳鸞齊舞椿萱未老綵勝貼門珠
作慢白幅香奩翠繞看小謝翩翩年少康樂顛狂呼酒
滿說科名不慢兒孫早偕白髮學兄嫂洞房椒壁須
草臨義之婚姻兒女那封帖稿再要丹青殊不吝但
索石榴瑤棗還画出秋山斜巧曼倩詼諧觴政肅令筵
前賓客都顛倒拚今夕到天曉。

登燕子磯望大江作

宋 琬

絕壁銜飛閣倚寒空嶒嶸窈窕是誰離琢六代興亡如

逝水煙冷千尋鐵索夢不到烏衣簾泊結綺臨春歌舞
散大江流向遶青山郭悲自語簷邊鐸滔滔東下風
濤作俯闌檻鼉鼉出沒雲山歎薄況是清秋明月夜何
處樓船吹角早驚起南飛烏鵲估客船從巴蜀下看帆
檣半向青天落吾欲醉騎黃鶴

寄友

幾聲將鳴也投半刺汝南叔度丰姿閑雅倒屣延君君
上坐談笑風生朱夏長太息娉婷未嫁袖出明珠三百
顆是元和而上開元下堪把臂遠公社相思久矣相
逢乍立斯須迴飄羯鼓爲君重打同學少年多不賤強

半五陵衣馬誰信道黃鐘暗啞載酒陳琳荒冢畔是當年曾遇知音者下載後爾其亞

贈友

吾輩今衰也憶當年偕游諸子夫街躍馬跋扈飛揚驚四座更看欄衡善罵同醉酒昭王臺下袒裼高樓呼五白和悲歌旁若無人者懷古昔追風雅回頭萬事成飄瓦况新來友人凋喪船餘書畫惻愴山陽思舊賦鄰笛何堪中夜算只有窮愁東野桃葉渡頭聊卜築問秋娘尙復能妖冶君不語淚盈把

爲侍御楊琢庵題像

野鶴昂藏意是當年彈文柱下陽球司隸驄馬連錢霄
漢上騎出五侯爭避誰信道蛾眉見忌飄泊東南天地
外長五湖不待官家賜逢醉尉防其罾虎頭妙筆真
無二寫元龍豪吟不似三閭憔悴歷徧九州夷險路惟
有醉鄉堪寄更許我入林把臂二八嬋娟彈錦瑟倩尊
前暫閣英雄淚歌既闕唾壺碎

贈柳敬亭

曹爾堪

八十龐眉叟見從來衣冠優孟功名芻狗炯炯雙眸驚
拍案似聽濤飛石走嘆此老知名已久大將黃州開廣
漢倒銀瓶擊節頻呼柳排戰艦下樊口長江浪急風

清後束輕裝歸舟一葉帆移星斗四角牙旗頻入夢猶
在轅門使酒諸巨帥皆爲吾友白髮瘦驢燕市月少年
人能識蒼顏否歌未闕起爲壽

題汪爾張画

遠嶂雲千疊望層巒空煙半捲似明還滅上有清泉飛
一道最可解人炎熱石鎖處谿流如咽下有松杉迷小
徑挂潺湲樹頂懸晴雪鴻濛後氣猶結誰人識得逃
名訣向深山結茅種竹人踪俱絕惡木叢中行已慣不
怕門前虎穴閒處聽杜鵑啼血若向画圖呼欲出想斯
人肌骨真清澈長往者是豪傑

感舊東西樵

蕭寺眠長夏，恰頻來荆高壚畔。擲筆舞蔗，變換浮雲憐世態。嬉笑潑於怒罵，瞥眼過何須悲咤。曾記餘生飄泊處，画船移百幅，身絲寫差。意氣轢顏謝。鵝黃新釀，酚將瀉。但婆娑鄂公祠廟，白公亭榭。今日彈冠歸故物，鞅掌紫薇官舍。還有客呼天問夜，湖水流脂山減黛。小樓空人逐東風，嫁仍夢到雨峰下。

題郎官山雪霽圖贈陳伯駒

黑霧迷南裔，賦歸來公平。無渡重關，晝閉漂泊天涯供。嘯味詩律，少陵偏細狂。欲叱高岑奴隸，寒夜飲酣空八

極檢奚囊酒脯當除歲山水癖暫留憇
遠遊可耐風塵際憶家鄉數峰明滅郎官青髻袍笏堆牀推望族傳
是江田門第還不少綠瓜丹荔颺毋波恬潮信小舸危樓松竹交
齡蔽歸去夢雪初霽

春游

嚴 沆

霽色天街六徧魚梁水漸齊下縠紋重蹙院落寒輕收
燈後迤邐遊人相屬數不了鈿車金犢過雨平沙風未
起碾紅塵十里輕如翹勝杜曲與韋曲 芭籬宛轉藏
茅屋遠峰青赤欄干外酒旗斜矗繁杏枝頭雙鳩語商
畧偷開一簇更柳眼搓黃拖綠際此朝回衣暫典任先

生爛醉歸休促藉草坐濯吾足。

夜飲

王士禎

過雨花如繡正呆魚低垂四面繁英香透結客十年知
已少何似銀箏翠袖莫須問濤飛山走且解金龜休作
惡未傷神絲竹中年後空淚墮金城柳長安一雨分
新舊更誰能望塵膝席爭名雞口尚逝安期靈氣盡一
望三山似阜但海水盡成醇酒鸚鵡螺卮金不落問狂
生得似公榮否休暫住捱繁手

席上被酒示程村

把酒歌金縷正遲日和風小院金衣梳羽緩拍紅牙清

樽畔蟬髻美人相語更掩映花前白苧釵挂臣冠交翠
鳥細腰身幾欲凌風去似燕燕掌中舞花奴妙合梨
園部便何妨岑牟犢鼻爲卿搥鼓數弄漁陽平生氣不
禁飛揚跋扈自古道英雄無主胡粉搔頭聊作劇料思
王而在應相許君但醉酒如乳

過廢園

萬錦雯

四壁堆蒼瓦是當年遺基剩址凌雲之厦一自風流銷
散後無復詩壇酒社但景物依然瀟灑短白長紅新刺
眼問野花爛熳誰栽者人不到白開謝睡壺敲缺悲
歌罷歎人間繁華能幾真如傳舍多少王侯羅第宅盡

入漁樵閒話算只有青山非借我欲支頤看爽氣又日
之夕矣牛羊下空徙倚意難寫

憶梅

夢到孤山下正依稀清臞標格逋仙流亞紙帳素屏無
覓處辜負廣平騷雅空悵望荒臺寒榭豈是春風欺北
地想緇塵難枉高人駕甘寂寞在茅舍如今臘盡應
開也逞精神珠離玉綴霜天雪夜驛使不將消息寄縱
有幽懷莫寫幾時得重攜杯竿只恐梅花還似舊待歸
來白髮堪盈把誰爲我語同社

內子買隙地種梅賦示

黃 末

笑指梁鴻婦記當初伯通廬下綈衣相守惟賢想英石
似昔惟我年來老醜肯辜負緋桃穠傾何物清寒堪似
我與梅花作伴差能否人喚作孤山叟須栽三百羅
前後舞春風漫空飛雪暗香堆袖待得花開梅子熟換
取東鄰美酒拚醉倒田家瓦缶白眼乾坤多少太儘蠅
頭冠蓋相趨走卿隱矣吾何有

贈其年卽和來韻

高士奇

風雅誰堪比美元龍胸襟磊落詞華工麗江左紛紛諸
俊彥端讓難兄難弟早已著驚人姓字幾載傾心思會
面恰相逢又隔新豐市黃葉落秋深矣九重近日頻

留意正同時。班揚董賈齊登啓事。壁上偶題紅杏句。佳話由來稱行好。打疊金鑾應制漫擬。甘泉工獻賦。更揮毫草檄。龍顏喜沾濁酒。共君醉。

送成容若扈從

鳳吹臨晴野。看旌旄歲。羣百里仙郎。扈駕一簇紅雲。班隊裏。箇箇輕裝都治。應只有長卿閒雅。誰識胸中才八斗。任浮沉。執戟鑾輿下。白玉勒花驄馬。天高風緊斜陽也。聽傳宣離弓新上錦鷹。初架霜落草枯平坂。闊好。騁穿楊騎射。頻賜沐官庖法炙。不信能文兼會武。向周盧讀史。消寒夜。羽獵賦更須寫。

湘南雨泊

顧貞觀

菱鏡秋如許。筆牀移疎簾。垂下落英無語。早晚沉香薰
煖閣。見說歸來還未。怕醉裏鄉書難據。看擁孤眠屏山
上。画平沙隻雁。瀟湘雨。從此路問君去。分明江畔維
舟處。又模糊千重雲水。淡煙濃樹。今夜鴛鴦須耐冷。睡
鴨紅綿親炷。料也憶玫瑰雙杵。待倩西風將消息。一聲
聲吹送蘆花渚。君不寐。試聽取。

雨花臺晚眺

此恨君知否。問何年香銷南國。美人黃土。結綺新粧看
未竟。莫報諸軍飛渡。待領畧傾城一顧。若使金甌長怕

缺算繁華千載成虛負。瓊樹曲情誰譜。重來庾信哀
難訴。尙依然石城桃葉舊消魂路。如此江山剛換得才
子幾篇詞賦。平不盡人間今古。試上雨花臺上望。但寒
煙衰草秋無數。聽嘹唳雁行度。

和辛稼軒

愁向清輝說。暗將離水統。却扇香羅替。葛不覺涼颼吹。
茱麗回首紗厨似雪。得幾度爲君簪髮。行矣天邊風露
冷。算故鄉亦有團圓月。幽怨重寫瑤瑟。情知又是經
年別。轉難忘凭肩密誓。長生鉏合此意。幾星應鑒取。好
耐寒肌侵骨。思密意怕成輕絕。來日征帆休便挂。聽殘

更軟語鎔心鐵銀漢影夜分裂。

西窗有感

沈謙

雪滿臯亭路，正西窗小梅數莖衝寒欲吐，獨酌無聊人也。醉一霎天低日暮，驀地裏蘭燈偷炷。睡鴨濃香薰素被，命如絲怎把長宵度。簾外冷叫鸚鵡，舊游零落，誰訴。憶池亭疎蓮搖暝，斷虹截雨，釵墜桃笙呼不醒。暗裏冰肌親拊，奈天樣紅牆間阻，錯是當時真錯了。便六州聚鐵應難鑄，眸炯炯聽街鼓。

旅思

尤侗

歲月能如許，問愁人更經消得幾番羈旅。白髮悲秋燈

下味生受紙窗風雨。况添却數聲砧杵。敲破客心千寸。
碎柱教人夢斷。江南浦。雁叫也。又平楚。澆愁惟酒差。
堪語。忽傷心。此身飲罷。茫無歸處。空自珠簾難。回燭看。
盡清歌妙舞。但贏得。青衫淚苦。紅袖殷勤。休勸醉。奈鬢
絲禪榻閒。看嫵老去也。訴漁鼓。

端午和劉潛夫韻

小滿吳蠶吐。乍陰晴。春紅消歇。黃梅迎暑。刮眼風塵紛
未了。徧地蒲人艾虎。何處覓龍舟競渡。橫笛短簫江上。
遠但關山烽火。傳鼙鼓。請拔劍爲君舞。眼中世事偏
如許。算英雄。百年成敗。一杯殘醕。金紫貂蟬長在否。不

抵枕中炊黍又看盡蠻爭觸怒讀破離騷還痛飲歎吳
儂更比湘纍苦只一醉忘今古

偶興

偶過慈仁寺見門前五株松樹婆娑盡矣二十年來風
景換不謂樹猶如此感往事攀條流涕白髮青衫驅欵
段笑無端貰酒荆高市聽擊筑悲風起又逢佳節黃
花裏悵登高西山殘照暮雲千里極目齊州煙九點家
在吳頭楚尾添幾幅荒丘廢壘漢寢唐宮何處問只滔
滔不斷渾河水買一棹吾歸耳

贈別其年

錢芳標

粉蝶悲笳發。動離人、腮邊玉筍。口中石闕。十丈軟紅休
沐。宴相對藕絲晴雪。漸踏到、銅街涼月。我向淹留君又
去。知幾時華頂同晞髮。最悞是、鷓鴣班末。少年齒憶鄰
梭折。舊清狂、怕驅不盡眼前俗物。從事督郵投分。好入
手霜螯偏傑。袖裏刺、由他漫滅。躍馬昨隨南海子。伴期
門雨透猩袍。血嗟。陞楯長何益。

又

僕馬侵晨發。正殘秋雨收。紫陌氣澄。丹闕去。問雁池脩
竹裏。近有何人賦雪。恐辜負、謝莊明月。西掖清輝千里。
其料相思他夕。添華髮。空放眼鑒毫末。薊門霜柳殷

勤折算百年掃愁排悶只杯中物廣武旌旗無忌銷漢
美七雄三傑彈指處薰銷燼滅那更銅臺歌舞伎剩春
田躑躅開如血不痛飲復奚益

登龍池絕頂憑虛閣

史鑑宗

蒼翠飛千狀破松根嶙峋石磴曲隨煙上一徑蹣跚攀
絕頂縱眼豁然遼曠看足底群峰鋪浪小閣恰當龍從
處俯憑崖萬仞臨虛漭憑欄語衆山響掀髯不覺層
胸豁眺東湖一泓杯水空明微漾老衲孤棲誰伴侶虎
嘯猿啼酬唱問佛法無言相向酌我半甌中頂茗傍龍
湫拍手雲生杖登臨興老尤壯

春怨

沈豐垣

不放春光去。仗樓前。千株暗柳。片時遮住。無奈東風吹。
偏緊誰惜。茫茫飛絮。都只管亂拋行路。春太難留。人易
老。惟銷魂橋畔。銷魂樹。空惹得淚如雨。一春不合因
愁誤。縱而今。賞花醉酒也。傷遲暮。枝上流鶯。花間蝶。記
起舊時歌舞。奈密約終成間阻。倚枕分明。春又在一絲
絲夢裏。黃金縷。燈再剪。夜三鼓。

感懷爲袁緯庵先生賦

張台柱

歲月難留住。歎回頭。功名萬里。盡成塵土。我已銀絲生
雙鬢。何況秋娘。眉嫵待還問。舊時歌舞。無限傷心言不

得解金貂且醉青樓暮。歌乍闌淚如雨。西風歷歷傳
更鼓。倩江頭曉來鴻雁。漫催行路。十五年間。天涯客纔
是歸來一度。早又向北燕南楚。馬上濛濛寒雨下。指萬
山樹黑無人處。獨白個掉鞭去。

九日飛來峰登高

諸匡鼎

此日當重九。正堪憐紫萸黃菊登高時候。攜得良朋同
策杖。直上飛來山阜。又豈待白衣送酒。塞雁南來飛不
盡。想佳人懶把鴛鴦繡樓子上。小垂手。丹楓萬樹遮
靈鷲。忽哀猿數聲啼起。殘霞洞口。回憶畫樓行樂處。流
水白雲依舊。算只有秋娘皓首歸去。旗亭新月上。繞清

溪風動蕭蕭柳且酣飲莫論斗。

淮陰祠

董以寧

爲漢空犇走嘆當年追猴逐鹿終烹功狗曲逆留侯雖
陰詐呂雉之謀多有算此際高皇身後平勃區區都易
與怕將軍武悍還如舊因中禍君知否無雙國士稱
能闢奈英雄寄餐漂母未央授首百戰難爭真王印何
事英風射斗生苑出婦人之手漢王荒臺秋草沒喜淮
壩廟祀終難朽君休信蒯通口。

贈柳敬亭

曹貞吉

咄汝青衫叟閱浮生繁華蕭索白衣蒼狗六代風流歸

抵掌舌下濤飛山走似易水歌聲聽久試問於今真姓氏但回頭笑指蕪城柳休暫住談天口當年處仲東來後斷江流樓船鐵鎖落星如斗七十九年塵土夢纔向青門沽酒更誰是嘉賓舊友天寶琵琶宮監在訴江潭憔悴人知否今昔恨頻搔首

送阮亭東歸兼悼西樵

倦客歸轅里恰三秋霜林葉散鯉魚風起四角紅氍毹子背躑躅河橋之際趁不上東華宵騎三疊淒涼渭城曲感生平清淚如鉛水知我者惟兄耳重逢蕭寺人憔悴憶君家中郎阿大清言何綺杳矣人琴千載恨宿

草吞聲未已，離緒到中年。如此生不成，名身已老，歎虎頭食肉非吾事。空擊筑，長安市。

鴉陣

鴉陣來沙渚，逗輕寒，霜天一抹晚紅。如縷掠下晴窗，驚帛裂影，逐斷雲歸去。伴黃葉蕭蕭亂舞。寒話空林飛且止，似商量，明日風兼雨。聲啞啞，倩誰訴。黃雲城畔知無數。趁星稀月明三匝，一枝休妬。雁字橫斜分幾點。極目江村煙樹，惆悵煞落霞孤鶩。啼向碧紗，甚憶遠最淒涼。織錦秦川女，空房宿，泊偷注。

題其年易絲詞

光惟騰蛟蜃化髯公壺中墨汁離奇輪囷海若驚飛天
吳走翠節靈旗隱隱憑誰話六朝金粉譜入鵬絃三千
調寫水車鐵馬無窮恨數紅豆記宮本 烏衣王謝江
東俊是當年將軍援臂虎頭猶困羸馬敝裘銅駝陌博
士賢良待問賦朱鷺黃驄惟謹擊筑且隨屠狗輩任西
風吹老滄浪髯秋氣肅雁聲緊

中秋咏月

是夜月食

徐倬

碧海晶簾卷問姮娥清輝須惜浮雲須遣幾點憂時發
婦淚迸作九霄露泣星影散漫空飛繭此夕風光猶較
可忍來宵素魄留痕淺桂華蠹愁何展 斗邊一角銀

河顯怨無端投壺笑巧南箕舌扁更怕寒芒分道出憎
亂人間雞犬天上恨嬋娟難免自有凌雲脩月斧奈瓊
樓玉宇非專典霓裳袖阿誰剪

時有復差
巡方之議

呈李容齋學士

宋 榮

歲又將秋矣向天涯良朋高會於今無幾館閣雍容稱
好客誰似青蓮才子詞賦手招來燕市小院雙榆新霽
後寫傷心綺語清宵裏爭擊鉢任浮醴余惟翹首興
懷耳正窮愁柴門偃仰未陪名士如殺曉風殘月句譜
自娉婷女史作佳話流傳不已何日更成文字飲共狂
歌一曲涼颼起先寄訊吾知已

學士方有詞會
余適以病未赴

秋夜

章士麒

簾捲秋山暮，似柳陽雁飛不到。有書空阻，幾曲離闌，閒徙倚。此恨江郎難賦，但伴着孤燈無語，瘦影欺人，衾又薄。拚今宵獨聽梧桐雨，滴不盡淚無數。閒愁抵死，繁心緒，更一任酒寒玉笋，爐消香炷。縹緲楚江雲，一片認取巫峰何處。還只怕夢兒無據，漏過三更，容易曉一聲，不肯畱儂住。天漸霽，月初吐。

贈顧梁汾和成容若韻

閻騶次

且住爲佳耳，任相猜。馳牋紫閣，曳裾朱第，不是世人皆欲殺。爭顯憐才真意，容易得一人知己。慚愧王孫圖報。

薄只千金當灑生平濕渾不值一杯水。歌殘擊筑心
逾醉似當年。侯生垂老忽逢無忌親。在許身猶未得俠
烈。今生已矣。但結託來生休悔。俄頃重投膠在漆。似舊
會相識。屠沽裏君試讀龍門記。

初夏

朱彝尊

誰在紗窗語。是梁間多愁雙燕。惜春歸去。早有田田青
荷葉。占斷板橋西路。聽半部新添蛙鼓。小白蕩紅都不
見。但悄悄門巷吹香絮。陰綠重已如許。花源豈是重
來誤。尚依然倚杏雕闌。笑桃朱戶。隔院鞦韆看盡。圻過
了幾番疎雨。知未日餽錢何處。午夢初迴。人定倦料無

心肯到閒庭宇。空搔首、獨延佇。

憶伎

塞土胭脂紫。女牆深、榆飄似簌。柳多於、蕩身作紅襟。雙
語燕飛人碧。紗窗裏、看挂鏡。親盤鴉髻。象篋蝦鬚都不
捲。惹犀梳粉拂餘香膩。勻面了、掃眉未。玉娥遺曲康
陵製。換新聲、箏調銀甲。笙調銀字。蝴蝶團圓花底住。薄
倖西風驚起。夢不到、綠陰青子。白雁橫天來又去。盼蕭
娘一紙書難寄。五湖約、十年矣。

寄友人榆林

一別三重九。數年來、燕臺寂寞。酒人非舊。遙望秦川邊。

沙遠客淚徒盈襟袖想塞下秋來風候白草黃榆天無際問圖書何處消閒晝泉一勺秣千畝同心最恨離居久藉雲鴻題書萬里往來亭候悔不短衣從兄去獵馬千群開口便作使秦娥行酒酒後狂呼雙耳熱更彎弧射碎轅門柳窮塞主可能否

寄懷蔣馭鹿

史惟圓

十載都門路問征衫只應攜得免園詞賦曾作陳王舊賓從應教揮毫聯句正脫帽筵前狂舞朱閣苔生金殿冷悵山丘華屋歸何處空淚灑東平樹黃榆口暗邊塵聚趁歸橈吳閭煙月片帆初駐獨擁秋衾夢銅輦飄

落江鄉歲暮還見說髣髴如故欲向西窗同剪燭忙遊蹤又逐西風去煩塞雁爲傳語

虎丘味月

山勢連天遠愛峻嶒危崖峭壁煙雲在眼却被吳兒更多事砌就風亭月館只伴得綺羅香煖除却生公臺畔百有何人長見冰輪滿曾幾度聽絃管繁華逝水何時返任消沉吳王劍氣玉魚金盃一曲新聲誰唱徹幾點驚鴉飛散還應怨秋宵恁短燈火闌珊人去盡又曉鐘敲罷三聲斷塘上路棹歌緩

丙辰中秋與其年雪持南水上人偕游虎阜於

五更後登山落月殘燈游人絕跡別是一境界也

梁溪華子瞻與秦對巖齊名均齒今對巖官禁
近而子瞻淪落如故詞以寄慨 陳維崧

少日敦槃約記同游梁溪二妙華年相若繡袷紅衫雙
掩映宛似連枝花萼船並艤綠楊城郭一客日邊紅杏
放染爐香日講龍樓幄又十載歸田樂 彈冠近日之
荆鄂壓秋水犀下瀨雄姿馬稍帳下廬兒三十萬伐
鼓開船黃鶴旗獵獵北風夜作一客纖絺纔掩肝到霜
天敗楮那堪着姑一笑視寥廓

顏魯公八關齋碑

在歸德

萬劫何曾壞裂蒼皮筋壓血裏蘚痕攢蠹利角缺文銅

綠滲部鼎犧尊兒輩風雨惡百靈趨拜多事囚竊還掣
虎覆巉巖翻恨孤亭在何不放騰光恠先生當日原
兵解想揮毫握拳透瓜筆鋒英快門枕睢陽荒戰壘斷
鏃愁燐似海呼南八聲情怳慨千古雙忠遺跡共剔殘
碑洗盡纖濃態鷹側腦攬天外

上方寺鐵塔

在開封

欄楯浮空去劃玲瓏榴皮石髮青紅無數看盡宣和風
景好又看官娥北渡有多少梨花夜雨西望銅駝荆榛
裏算千秋老輩惟吾汝晉宋事總塵土鴻濛一氣凭
斟取躡丹梯子盤百級上通玄圃根擲中原維地軸其

下黃河一縷曾經過怒濤煎煮無限西風神州恨倩相
輪做盡興亡譜鈴鐸響自相語

東京旗亭紀事

酒向旗亭貰驀然間歌絲一縷飄來牆罅却是吳中諸
小部隊隊檀槽羅帕群合樂南薰門下中有一人尤相
熟是襄王筵上曾逢者一句句鄉關話更闌軟語終
難罷歎此間梁臺宋苑斷垣頽瓦我到東京真失計卿
亦何爲然也得毋類明妃遠嫁此語殊悲非相戲碎花
枝莫漫將人打英雄淚浩盈把

識玉峰徐健庵太史宅歌舞煙火甚盛

月照梨花午。燕華堂西京趙李。東都燕許。玉佩珠袍聯
翩至。綠酒春缸正乳。不須恨英雄無主。穆護沙纔袞徧
了。九天開飛下。瑤臺女。又解作霓裳舞。偃師百戲堂
堂去。看場圓交竿放出。火蛾無數。髣髴蜃樓海門市。西
極後。睨偏怒。更炮打襄陽門戶。頃刻鴉啼金井曉。擲頭
船且睡。波深處。篷背上響春雨。

作家書竟題范龍仙書齋蘆雁圖

漏悄裁書罷。繞廊行。偶然瞥見。壁間古畫。一派蘆花如
雪亂。白雁濛濛欲下。有立且飛而鳴者。萬里重關歸夢
杳。拍寒汀。絮盡傷心話。捱不了。淒涼夜。城頭戍鼓剛

三打正四壁人聲寂靜月華如瀉再向空齋移燭認水
墨陰陰入化恍嘹唳枕稜窗罅曾在江船逢此景便画
圖相對心猶怕君莫向高齋挂

秋夜呈芝麓先生

擲帽悲歌發正倚幌孤秋獨眺鳳城雙闕一片玉河橋
下水宛轉玲瓏如雪其上有秦時明月我在京華淪落
久恨吳鹽只點愁人髮家何在在天末憑高對景心
俱折關情處燕昭樂毅一時人物白雁橫天如箭叫叫
盡古今豪傑都只被江山磨滅明到無終山下去拓弓
弦渴飲黃塵血長楊賦竟何益

送三韓李若士省親之楚

若士尊公時爲湖廣提督

秋到離亭暮，羨風前、珊珊玉靶翩然竟去。借問此行何所，向笑指巴煙、郢樹。是鳥鵲慣南飛處。路入南荒，休騁望、有陶公戰艦空灘。雨灑熱酒，浪花舞，嚴君坐擁貔貅旅。壓江流一軍下。瀨日無黃祖，昨夜月明親饗士。要奏新填樂府，都不用陳琳、阮瑀。手掣紅旗，翻落陣，看耶君下筆驚鸚鵡。援臂種氣如虎。

寄蔣馭鹿

朱邸分青社，記當日、竟陵文藻彭城風雅。盛世天家敦玉牒，花萼交輝其亞。正內殿霓裳舞罷，龍子一從歸大。

漢悵陳王不憚苔生榭。呼賓從銷閒暇。鄒陽流落江
潭夜。剔秋燈故人重見在。楓橋舍。憔悴白頭論往事多
少。鸞箋鳳帕。說不盡銅輿佳話。今日金風吹兔苑。任西
宮花放。還花謝。拚夢到王門下。

送四弟子萬之任黎城

中秋後一夕

月尙圓如許。只江郎魂消欲別。黯然難賦。矯首玉河橋
上立。爲我斯須還住。看歷歷霜毫白兔。假使羿妃知此
意。徹璇閨應也愁蛾聚。何苦烙征鞍去。此行莫道微
官誤。算人間幾多彩筆難紆尺組。上黨舊爲天下脊。其
說雄藩澤潞。趁年少黃皮縛袴。若到三垂岡上過。倚西

風立馬爲傳語。李亞子。竟何處。

題南畊皋亭追用其年先生韻 陳大成

危構蒙茸罅。坐空亭。六班茶熟。換來鱸鮓。霽旭初升。蒸
曉潤。鴛瓦曉曉。光射。有樹色參差其下。爲語。羨和須頓
轡。想咸池浴出。驚瀾怕。看頃刻。林端挂。方塘一曲。何
清灑。小蓬壺架成丘壑。巖巒如畫。畫影簾移。無人覺。送
到檐鈴風馬。管此外。雞蟲鬧打。老至耽書。頗懶讀。漫尋
思。曝背南榮者。棋枰冷。茗煙藉。

追和在平夫子午日讌集韻 歸允肅

憶得名園路。倚雕闌。曲沼亭臺。參差堪數。韋杜風光。饒

勝賞知己同游笑語。奈獨客柔腸千縷。遙想觥籌多樂事。隔天涯總是開情處。春盡也。又端午。羈愁何必重歌楚。美他鄉景物依稀。還供蒲黍。身作行吟憔悴客。漫自傷今弔古。拚醉倒盈樽綠醕。故里笳簫人喚渡。動蘭橈。一霎飛香雨。徒極目江南去。

咏蘋果花紅

杜 芥

封識書倉罅。恐桃蟲輕施蠹尾。如餐包鮓。兩種苔岑同妙氣。青李來禽爭射。中州產迭爲高下。環佻吳兒耽爽口。便百錢一顆何曾怕。分利市。緋紅挂。颯然涼色看。間灑齒牙邊些兒俊角。不須刀画。聞說荔枝先入貢。倒

使北船南馬。收拾起長竿撲打。只有素蕤粧點。稱更輸他消渴思茶者。剛把玩懷中藉。

與龔篴師話舊

客子秋風鏹。憶何堪三分鱸膾七分官鮓。雁柱頻移無酒債。一串金鈴激射。似湘瑟吟空而下。記得藏鈞羅幙裏。逞奇鋒假面教人怕。碧玉桿銀牀挂。燒槽隨意柔荑灑。將幾輩英雄兒女。手描舌画。別去已經十六載。鐵騎冰車野馬。却化做雲中鵲打。捱到落花寒食後。再聽君紅豆哀彈者。天寶事。忽雷藉。

送沈客子南歸

魏坤

住也如何住。檢征衣。西風雁底。試裝綿去。圓菊金鈴。插鬢。那有酒壚心緒。撇多少。悲秋伴侶。猶記鬧蛾兒。唱後掛燈。旛影蹴香塵路。吟徧了。落梅句。新霜冷。月侵瓜步。夢初闌。幾株鄉樹。幾聲柔櫓。一鏡春山人好在。憐取舊時眉嫵。載白舫。重尋煙浦。剩有酒徒。牽旅恨。剪釵花倦枕。聽寒雨。五湖約笑輸汝。

送山農歸里

高 騫

斗帳應無寐。盼遙天。雁風吹送曉霞魚尾。便駕輕車金犢頭。不待吹菰煙起。看飛趁帆竿燕子。重與吾家三十。五話荔枝紅。照漳江市。牽一段好詩思。郵籤數盡投。

吳會正潏林橘綠橙黃採香姝麗試滌青花磨翠餅遍
寫鵲塘秋意但歸到竹籬門啓藥圃蘭畦依舊在望橋
東小墅空煙水莫忘了早梅寄

三十五
謂雲客

蛟橋月

吳曹直

橋壓雙溪轉記相傳赤烏年代孫家初建荆水銅峯佳
麗處正是六朝陽羨其下有波聲清淺兩岸紅樓燈火
夜恰如霜古月當頭現想會照國山縣當時此地寒
蘆捲莽山河射蛟以後滄桑幾變歷代興亡同逝水冷
落于今香鈿只皓魄依然一片百恠魚龍銷歇盡寫空
漾虹影澄於練圓似鏡掛波面

登萬壽官閣

吳璘

傑閣凌雲出。倚危欄。長江飛練。遠山凝碧。跨鶴仙人無
覓處。雞犬雲中誰識。又陵谷。幾番更易。我欲乘風天上
去。借靈符。再鎮蛟龍宅。寶劍在。鏽腥血。江城一望真
淒絕。歎年來。重門深院。露沾荊棘。隔浦牙樯迷夕照。半
是漁舠估舶。乍彷彿。洞簫聲咽。何必琵琶江上曲。也儘
堪司馬青衫溼。憑眺處。晚風惡。

旅懷

一唱陽關闕。到如今。清明過了。又逢佳節。客裏何知時
序改。但任花凋月缺。拚憔悴。少年華髮。細嚼村醪無妙

理早孤燈夜雨涼生席恁滋味費周折
男兒自是輕離別豈當他百年一瞬電光如擲回首鄉關何處是那
更雲山萬疊惟顧影夕陽明滅漫說羈人情思苦只羈
情欲說無須說相思淚暗沾臆

別恨

自分生辰薄恁多愁天公不管任教飄泊每到春來眠
客舍數盡花開花落又紫燕新雛綽約天際歸舟何處
認想畫長人倚闌干弱幾番誤喜簷鵲佳期有約成
耽閣悔當初河梁分手欲前還却不是江湖名利客怎
慣天涯海角盼雲樹萬重遮幕百結愁腸惟耐酒奈醉

來轉覺心頭惡，嬾去也引孤酌。

登徐氏悠然樓，追懷映微先生，用稼軒悠然閣

韻

先生原任
吉安刺史

萬樹

曲尚屯田柳，獨余宗魯山。蘇二分寧黃九，每得吉州相。
耶可誇向荊州老手，許新譜金元追舊多。付雪兒歌麗
句，立司空左右周。郎後彈指頃，竟何有。樓頭無恙銅
官秀，問先生。飈車雲馬尚重游，石試倚朱闌吹紫玉，寄
響蓉城鶴岫好。爲我臨風迴首，紅粉花枝何處是。只飛
來燕子徘徊久，身後事不如酒。

荊州謂
袁籀庵

問家僮

汝到園中否。問葵花向來鋪綠。今全紅否。種柳塘邊應
芽發。桃實落牆東否。青笋籊籊蒼龍否。手植盆荷錢葉
小。已高擎碧玉芳筒否。曾綠徧桂叢否。書牋爲寄村
翁否。乞文章茅峰道士返茅峰否。舍北人家樵蘇者近
斫南山松否。堤上路尙營工否。是處秧青都似浪。我鄰
家布穀還同否。曾有雨有風否。

三野先生傳贊

三野先生者。謂野居野。心野服。自稱三野。人不知其何
從。至姓氏知之者寡。在陋巷門無車馬。人不堪憂。君獨
樂。且訢然樂以忘天下。天山遯是其卦。蕭然四壁。惟

圖画於吟詩讀書之外惟能書寫閒則雲山隨所至多
與漁樵荅話或共飲極歡而罷贊曰人生斯世者每勞
於名利而無暇如是者一人也

游石亭記

乙巳春之季與吳君曹君諸子會於槐里遂往游於石
亭欄少長群賢畢至興不減蘭亭脩禊此地崇山多峻
嶺有茂林脩竹清水堪暢敘坐其次氣清天朗風
和惠共欣然形骸放浪興懷託寄俯仰彭殤皆妄作莫
問世殊時異且一味一觴相繼客曰斯游真足樂不可
無韻語傳於世余曰諾是爲記

月夜舟發九江用迦陵詞韻

曹亮武

滿引村醪罷。陡然看江山。如此有誰能。画回首。楚山千萬里。直欲乘風而下。愁渺渺。誰知我者。人隔鄉關。風土異。聽鄰船。沒個江南話。頻淚灑。悲秋夜。片帆一任。奔濤打。正蒼茫。玻瓈千頃。銀河欲瀉。雁落蘆汀。花正雪。混混水天都化。幾明滅。漁燈。艙罅。角枕橫。施眠未穩。恐盤魂一去。招猶怕。涼月向波心挂。

南山病中和京少見訪之作用原韻

稠錫虬龍勢。是當年。剖腸跨虎。幻神通地。此日閒房。惟伏枕。早似衰年病肺。未四十。動搖吾齒。百感茫茫。成底

事算從頭却被浮生累，溪樹藉感君意。多才應惹天
公忌，問胡爲庸庸樛櫟厄。猶如此造化大權歸二豎，未
許沉疴復起。竟四載把吾兒戲，所喜眼前無俗物，看藥
囊曝處巖花墜。多病也聽之已。

和其年見訪韻

奇跡空山裏，是平生悅幽曉。僻由來如此，未老張蒼先
飲乳。亦復沾沾自喜，舌尚在齟而脫未肥，戲尚然。艱一
嚼，噉名兒讓汝垂青史。向石畔漱吾齒，諸君一棹尋
山寺。且烹泉林間揮麈談，空說理瀑布晴飛三百丈。絕
壁枯藤同倚，問此外于人何事。松舍欲留君共宿，正脚

蹶日落陰風起猛虎嘯君歸矣。

和雪持見訪韻

又送春歸矣。悵林間鶯啼燕掠花殘無幾。一派新篁映
空綠。入夏儘饒幽事。倚傑閣爲之狂喜。誰向此中頻問
訊。只先生身有公無是。山與我頗相似。故人忽到空
齋裏。撥山醅盤餐市遠畧無兼味。俛仰稱公奇跡在直
欲深參禪理。曳杖看泉飛雲起。莫訝山前群虎踞。料世
途巖險皆然耳。乃所願赤松子。

感舊

人世何常者。記年時綺樓朱戶閒愁難灑。淡雅新粧風

前倚嬌嬈耐人描畫更一種暗香微瀉隔着銀牆如天
漢聽檀槽撥出傷心話珠十斛是其價無端惹得心
頭挂幾多番夢中尋問鈿車寶馬芳草茫茫埋香骨寂
寞水晶簾下剩壁上秦箏誰把環珮珊珊知何處算人
間那許畱姑射今屈指十年也

壬戌元日疊前韻

舊曆重看者每驚心南枝欲放梅風初灑今歲可能勝
前歲此事最難摩面軟光景如波流瀉一事無成吾竟
老數平生多少蹉跎話真不值一錢價神仙將相休
縈挂看從來誰爲得喪塞翁之馬逢着良辰無如醉魄

礪都教銷下算造化機樞難把我漸不知人間世取竹
弓睨鴨方塘射聊一笑廓如也

望雲起樓有感疊前韻

恰對南山者憶當年坐看雲起桐陰颯灑鸚鵡杯輕花
蹲古子久富春圖画最好是金波光瀉拉得公榮相對
飲看玉山頽處掀髯話聊下箸萬錢價 延陵有劍何
曾挂算茫茫世間萬事風檣陣馬昔日池亭今易王伯
到舊樊樓下聽徹夜銀箏笑把三十餘年如電抹刺兒
孫敗絮霜熨射吾倍憶故園也

送戴蘿軒南歸

孫致彌

共憶江南路。朝來梅霖初歇。斑驄先去。笑我渾同春絮。墜幾度。欲飛還住。空夢想。碧簫消暑。杯酒英雄閒比竝。甚而今。氣短如兒女。看七首。寸心許。蒲帆一葉。凌秋渚。問誰同。龍潭邀月。鴛湖聽雨。柳外銀箏花底笛。隨分。悲君教取。向此際。能相思否。最苦歡場。攙別恨。聽越吟。顛倒成吳語。愁歷亂。五絲縷。

荅京少見贈之作

胡亦堂

卷面新詞卷。比花間。金荃蘭畹。咀含驅遣。高閣蒼茫。憑眺處。沙草江花。淒泣情不斷。纏綿如繭。刻羽引商。翻絕調。探驪珠。不屑隨膚淺。紅牙拍雪兒展。白憐用拙疎。

求顯懶脂韋放情瀟灑欲圓仍扁孺子亭前長浪跡莫
問鬪雞走犬惟託興言愁未免無奈祇堪聊怡悅誦瑤
華三復真謨典陸離甚瓊雲剪

乙卯元宵前夕醉後作

毛際可

幾樹梅如霞喜良朋招邀蠟屐畫樓開宴三五盈盈遲
一夕未覩姮娥正面正天際溼雲初捲湖墅豪華全盛
日更九微影裏香塵散角觥戲又重見嚴城一任催
壺箭聽佳人歌喉微度玉簫聲亂鐵鎖星橋羞舊句新
唱阿誰花犯却字字燕嬌鶯倩忽憶故園烽燧起對樽
前火樹驚魂斷沉醉後悲歡變

送朱文盎歸鴛湖

龔翊麟

最恨秦淮柳甚今朝征衫纔脫離筵還又和露一枝風
裏折送客斜陽時候計歸路鴛鴦湖口半幅蒲帆穿疎
雨到門時正見黃花瘦臨當別進杯酒昔游歷歷頻
回首憶西窗徵歌醉底燭懸紅豆一白短車辭日下共
爾鞭絲先後都不似這番揮手惹起閒愁渾如絮問輕
鴻後夜能傳否竹垞竹待君久

題韜荒詞用錫鬯寄武曾韻

沈皞日

問爾何曾醉有許翁新詞一卷白門行李緘向西窗剪
銀蠟哦盡竹間松際見落落離情遙寄史檉辛秦都是

好正不妨筆底空流輩飄泊也差堪喜 楚江昨歲秋
蘭悴甚浮沉無樓可賦有裘仍敝塔影城南遙相望搔
首懷人何已漫傳與江村諸子垂柳啼鶯春未老借酒
船撐入秦淮水鵲聲起且歸矣

再用前韻酬蘅圃主政

十日留人醉更招尋春宵秉燭宴開桃李記向小橋紅
闌外題徧玉蘭亭際有多少閒情高寄白石草窗隨筆
硯是當今風雅輪君輩將進酒交相喜 春風一笑添
憔悴況年來青衫已破棕鞋應敝月轉觚稜殘花落相
對高歌而已任世上紛紛公子回首疎籬松菊在儘濯

纓好問滄浪水。弄柔翰吾衰矣。

寄李分虎江樓合選并繫以詩用錫鬯韻

猶憶柯園醉正詞。場敵壺晏瑟共稱三。李寂後相逢把
君手。燈火天街煙際悵。別久鴻書誰寄白。衿吟商來木
末問春游句。覓周秦輩。憑付與想應喜。護花鈴下鶯
聲悴。是城邊紅樓漸冷。錦鸛初啟綠。徧江南相思草。查
荒鮑十清狂而已。又疎雨鄉園梅子。舞竹歌桃人自倦。
語歸情沽酒鴛鴦水。更明月滿船矣。

寄西安郡丞譚舟石

沈岸登

朔雁驚飛起憶前年酒壚擊筑和歌燕市。一自盧溝橋

頭別滿眼斜陽流水。悵去路雲山無際。強欲尋君惟有
夢。奈夢魂不度三千里。君憶我定相似。虛慚踪跡天
涯寄。但逢迎五陵裘馬有誰知。已翻羨一官乘邊障。苦
愛賓朋文史。况蘆酒卽堪醉。燕領書生還未老。拚從
軍共作封侯計。帶圍減且休矣。

讀雲臣其年南耕消夏諸詞 吳 滌

暑月難消遣。竹林西。丁丁子落。夢酣驚轉。七椀攜來銷
睡渴。暗送荷香池畔。剛對面。闌清遠。殘照當窗雲乍
湧。電光浮萬斛珠傾濺。纔浴罷。疎星見。乍看新月團
於扇。撲流螢。輕翻茉莉。脂凝無汗。每憶晚風溪泛好。喜

縱一葦乘便聽夜漏又將過半閒話水天忘暑氣展瓊
璣一霎煙雲捲如飲我清涼散

元夕讌張氏宅觀燈

金 炯

元夜笙歌按玉堂高華燈交射初開佳宴綵結鰲山燃
豹髓火鳳金羊爭豔盡道是侯家新見簷角梅花風乍
入恍星搖電徙雙眸眩齊掩映絳河淺西園公子柑
傳徧有此會酒酣耳熱觥籌錯亂蜜淚寒榮頻飄墜尚
勸香浮玉腕更誰念月如歌扇五夜金吾曾不禁任主
人送客留髡倦且莫問麝熏箭

贈京少卽和集中滕王閣韻

葉 藩

憶別章江渚問當年滕王遺蹟風流何處正向秋空搔
短鬢忽墮錦囊佳句彷彿見雲蒸霞舉綠管繽紛經遊
遍羨當題名勝多如許頻擊節重延佇 鄱湖折瀉通
荆楚嘆新來烽橫戰壘夜驚桴鼓南浦西山渾未改藉
有文章足據君豈與庸庸爲伍一上危亭歌水調執袁
綯拍板會同譜思往事不堪數

偕曹侍郎過項園看牡丹

李聖芝

雲樹迷春野耐柔腸支吾詩酒又逢初夏吾輩棲遲猶
不字笑此花枝欲嫁便一望風光如畫未免天涯增感
慨况臨卬游倦無車馬青衫淚斜陽下 人間豈有魚

龍化但相逢悲歌一醉送春歸也無限江南王謝恨奈
此鳥衣亭榭歎晝永心如長夜酒半高樓聞弄笛念漂
零我是無家者茫茫事匆匆話

過天壽山

張綱孫

白滿天山路試衝寒馬蹄朝發冰花飛舞望裏千峰多
似簇一帶紅牆潑護多應是一坏陵土古殿虛無人
不到有苔痕繡滿椒香杆荆棘裏斷碑什當時守衛多
軍伍到今來悲風輦道寒煙淒楚只恐夜臺無曉日燒
盡漆燈仍暮又誰把玉魚偷取石獸如雲成對立看般
般牙爪猶威武荒坎內野狐語

秋日感舊

陳履端

黃葉飄香砌，壞欄邊凝情側。帽細思前事，王謝當年人
爭美。一帶朱門綠水，有無數蟬鈿香翠。座客風流皆江
左，醉高歌戲擊珊瑚碎。長夜飲花難睡。而今忽墮如
鉛淚。悵亭臺金消粉黯，荒寒無比。惟有樓前青山好，還
學画眉擁髻。更幾樹亂楓如醉。僕本情深，長有恨倚西
風一望，今如此。誰會我繞廊意。

壬戌端午追和劉後邨韻

蔣景祁

榴蹙紅巾吐，灑微涼縷塵香。雨六街無暑，一樣鄉園女
兒節。飛上燕釵，繭虎只極目南雲難渡。倚醉玉河橋上。

望森銀潢幾疊迎神鼓魚龍戲雜採舞
陡然魄礪澆如許笑何爲受人杯炙戀人醺
不盡土係芳草怨萬事渺於銖黍且說與
靈均毋怒一卷離騷須痛飲奈酒醒又怕
情懷苦土花澁苔錢古

送查朗山遊黔

銀燭青煙吐望闕城明星欲落鞭衝暑彩筆
今攜盤江上繡畫轡龍螭虎便瘴雨腥雲飛
渡爲語夜郎休自大憶西風獵獵鳴笳鼓
饒歌賽蠻簫舞東陽瘦沈襟期許且拋將
旗亭顚曲酒壚澆醅歎息滄桑成遷改依
舊高低禾黍流不盡洞庭波怒拂路刺桐
花發早料鷓鴣

鵲啼破空山苦。黃陵月照千古。

時朗山應沈瞿庵編脩之請

送宋山言歸商丘

柳暗金絲吐。正趨庭荷風扇雨。簾涼無暑歸路。睢陽投
涿甕。豔說才人繡虎。恰潮急沉沉官渡。滿望綠陰紫曉。
騎拂殘星數。遍嚴城鼓鞭梢掠野花舞。宋州小宋真
堪許。據詞壇執他牛耳。酌他清醕。此去逢迎風味好省。
憶丈人雞黍。聊試借文章嬖怒。我夢游梁。今未得向中
原往事。憑陵苦。畱此意待終古。

端陽後四日檢迦陵遺集有感

絲盡春蠶吐。檢遺編其人斯在。疾風吹暑。零亂瑤華詩。

千卷只少師兒似虎。論此恨、茫茫難渡。絕調廣陵人解。
否怕傷情莫再。水絃鼓。鐵馬暗簷前舞。君才福報今
如許。未爭差。玉堂支俸。天厨酌醑。火浣奴衣何堪。美負
郭田荒穰黍。一笑耳掀髯。毋怒。蠶簡流傳人腹痛。料夜
臺李白差無苦。傷往事、摠成古。其年先有子
名獅兒早亡

送莊社如還雲間同大雅堂諸子用江湖載酒
詞韻

楓葉沾霜醉。正蕭蕭、桑乾西度。一鞭行李。情盡橋邊銷
魂樹。人又銷魂之際。憶數月萍踪同寄。他日相逢誰車
笠。笑世間、齷齪非吾輩。黯然別色然喜。相如客久今

憔悴典鵲裘自言願補黑衣之敝負郭田荒無人問空
有壯心難已幾得遇西園公子君去季鷹歸興好對春
申浦口吟秋水漁唱晚放船矣